









真鬼上月王史文卷之十一

月二





漢魏六朝正史文選卷之十一

三國志

魏志

詔令

奏議

雜著

武帝

軍樵令

敗軍失制令

教學令

上還三縣令

舉士令





文帝

答司馬懿令

祀孔子詔

婦人與政詔

報王朗詔

鵜鵠詔

明帝

諫試詔

適子入朝詔



齊王

追賜劉整鄭像詔

高貴卿公

恤死事詔

改地名詔

陳雷王

取蜀詔

夏侯玄

時政議



崔琰

諫世子書

王朗

孫權遣子入侍疏

脩營宮室疏

保育王子疏

王肅

征蜀疏

董昭



陳流弊疏

蔣濟

中書專任疏

杜恕

刺史領兵疏

陳思王

求通親親疏

高堂隆

淫雨疏



文帝

與吳質書

又與吳質書

王昶

戒子書

王基

戒司馬景王書

鍾會

檄蜀將士吏民



劉廙

治道論

曹問

宗室論

傅玄

馬先生序

漢魏六朝正史文選卷之十二目

漢魏六朝正史文選

卷之十一



--	--	--



漢魏六朝正史文選卷之十壹

三國志

蜀志

詔令

奏議

雜著

先主

上言漢帝

諸葛亮

上先主爲漢中王表

出師疏

後出師疏



廢李平表

譙周

諫游觀聲樂疏

吳志

詔令

奏議

雜著

吳主

報陸遜

分天下盟詞

議奔喪科禁詔

答諸葛瑾



孫休

開田詔

周瑜

論劉關張疏

華覈

奢侈疏

諸葛恪

與丞相陸遜書

諭衆論



韋曜

博奕論

漢魏六朝正史文選卷之十

目錄



漢魏六朝正史文選卷之十三

晉書

詔令

武帝

改坐復膳詔

平糴詔

立太子詔

二千石詔

籍田詔

宗室詔



下傳玄詔

元帝

二千石察長吏詔

譙王承監湘州軍事詔

議溫嶠不拜詔

明帝

遺詔

成帝

新宮詔



康帝

降禮詔

褚皇后

臨朝詔

復臨朝詔

簡文帝

百官詔

安帝

吳隱之進號詔



漢魏六朝正史文選卷之十三

目錄終



三國志

魏書

顧在觀觀生

晉陵陳震生青雷

雲間

許清胤介夫輯評

顧之萃宗之參訂

句章陳

裕廣生

陳

祐天生

武帝

沛國譙人姓曹諱操字孟德桓帝世曹騰為中常侍養子嵩嗣官至太尉莫能審其生出本末

嵩生太祖少機警有權數任俠放蕩不治行業橋玄見而異焉謂曰天下將亂非命世之才不能濟也安之

者其在君乎

軍譙令

建安七年春正月公軍譙

令曰吾起義兵為天下除暴亂王人民死喪畧盡



魏三  
國中終日行不見所識使吾悽愴傷懷其舉義兵已  
來將士絕無後者求其親戚以後之授土田官給耕  
牛置學師以教之爲存者立廟使視其先人鬼而有  
靈吾百年之後何恨哉

質直之言足使愴心感意



武帝

敗軍失利令

建安八年夏五月

令曰。司馬法將軍死綏。故括之母。乞不坐括。是古之將者。軍破于外。而家受罪于內也。自命將征行。但賞功而不罰罪。非國典也。其令諸將出征。敗軍者。祇罪失利者。免官爵。

身所摧敗。則亦多矣。又可盡抵乎。

予自出關以來之憂又復如前

行矣

而予獨罪戾萬端自今以後由斯以迄

新軍動于後而宋雲龍于內而自命

曰曰其罪戾萬端自今以後由斯以迄

親聖人之心

五帝



武帝

教學令

建安八年秋七月

令曰。喪亂已來。十有五年。後生者不見仁義禮讓之風。吾甚傷之。其令郡國各脩文學。縣滿五百戶。置校官。選其鄉之俊造而教學之。庶幾先王之道不廢。而有以益于天下。

清宥特絕

16

卷之六

目錄

一、論世道之升降與人心之向背

二、論名教之興廢與風俗之淳薄

三、論文章之體裁與辭賦之流弊

論學

卷之六



武帝

上還三縣令

建安十五年十二月

令曰。孤始舉孝廉年少。自以本非巖穴知名之士。恐  
爲海內人之所見。凡愚欲爲一郡守。好作政教。以建  
立名譽。使世士明知之。故在濟南。始除殘去穢。平心  
選舉。違迂諸常侍。以爲強豪所忿。恐致家禍。故以病  
還去官之後。年紀尚少。顧視同歲中。年有五十。未名  
爲老。內自圖之。從此却去二十年。待天下清。乃與同  
歲中始舉者等耳。故以四時歸鄉里。於譙東五十里。

築精舍。欲秋夏讀書。冬春射獵。求底下之地。欲以泥水自蔽。絕賓客往來之望。然不能得如意。後徵爲都尉。遷典軍校尉。意遂更欲爲國家討賊立功。欲望封侯。作征西將軍。然後題墓道。言漢故征西將軍曹侯之墓。此其志也。而遭值董卓之難。興舉義兵。是時合兵能多得耳。然常自損。不欲多之。所以然者。多兵意盛。與強敵爭。倘更爲禍始。故汴水之獸數千。後還到揚州。更募亦復不過三千人。此其本志有限也。後領兖州。破降黃巾三十萬衆。又袁術僭號于九江。下皆



相臣名門曰建號門。衣被皆爲天子之制。兩婦預爭。爲皇后志計已定。人有勸術使遂卽帝位。露布天下。答言曹公尚在。未可也。後孤討禽其四將。獲其人衆。遂使術窮亡解沮。發病而死。及至袁紹據河北兵勢強盛。孤自度勢實不敵之。但計投死爲國。以義滅身。足垂于後。幸而破紹。梟其二子。又劉表自以爲宗室。包藏好心。乍前乍却。以觀世事。據有當州。孤復定之。遂平天下。身爲宰相。人臣之貴已極。意望已過矣。今孤言此。若爲自大。欲人言盡。故無諱耳。設使國家無

有孤不知當幾人稱帝。幾人稱王。或者人見孤強盛。又性不信天命之事。恐私心相評。言有不遜之志。妄相忖度。每用耿耿。齊桓晉文。所以垂稱至今日者。以其兵勢廣大。猶能奉事周室也。論語云。三分天下有其二。以服事殷。周之德可謂至德矣。夫能以大事小也。昔樂毅走趙。趙王欲與之圖燕。樂毅伏而垂泣。對曰。臣事昭王。猶事大王。臣若獲戾。放在他國。沒世然後已。不忍謀趙之徒隸。况燕後嗣乎。胡亥之殺蒙恬也。恬曰。自吾先人及至子孫。積信於秦三世矣。今臣



將兵三十餘萬。其勢足以背叛。然自知必死而守義者。不敢辱先人之教以忘先王也。孤每讀此二人書。未嘗不愴然流涕也。孤祖父以至孤身。皆當親重之任。可謂見信者矣。以及子植兄弟。過于三世矣。孤非徒對諸君說此也。常以語妻妾。皆令深知此意。孤謂之言。顧我萬年之後。汝曹皆當出嫁。欲令傳道我心。使他人皆知之。孤此言。皆肝膈之要也。所以勤勤懇懇。敘心腹者。見周公有金縢之書以自明。恐人不信之故。然欲孤便爾委捐所典兵衆。以還執事。歸就武

平侯國。實不可也。何者。誠恐已離兵。爲人所禍也。旣  
爲子孫計。又已敗。則國家傾危。是以不得慕虛名而  
處實禍。此所不得爲也。前朝恩封三子爲侯。固辭不  
受。今更欲受之。非欲復以爲榮。欲以爲外援。爲萬安  
計。孤聞介推之避晉封。申胥之逃楚賞。未嘗不舍書  
而歎。有以自省也。奉國威靈。仗鉞征伐。推弱以克強。  
處小而禽大。意之所圖。動無違事。心之所慮。何向不  
濟。遂蕩平天下。不辱主命。可謂天助漢室。非人力也。  
然封兼四縣。食戶三萬。何德堪之。江湖未靜。不可讓



位。至于邑土。可得而辭。今上還陽夏柘苦三縣戶二萬。但食武平萬戶。且以分損詢議。少減孤之責也。

墜衷而談胡顏斯厚。此令壽志不載松之補註。

望東而趨。附而謀。聖  
武。今。帝。志。不。薄。公。之。辭。其  
萬。回。介。先。平。萬。只。且。以。今。財。前。其。少。知。孤。之。責。也。  
武。至。于。昌。土。何。將。而。後。今。土。其。獨。良。瑞。苦。三。經。只。二



武帝

舉士令

建安十九年冬十二月

令曰夫有行之士未必能進取進取之士未必能有  
行也陳平豈篤行蘇秦豈守信邪而陳平定漢業蘇  
秦濟弱燕繇此言之士有偏短庸可廢乎有司明思  
此義則士無遺滯官無廢業矣

求黨索隨誠操所急

水為常道精微而無

形質而能化育萬物

此乃道之真體也

故曰道者萬物之宗

而無形者也

此乃道之真體也

此乃道之真體也



文帝

諱丕字子桓武帝太子嗣位爲丞相魏王延康元年漢帝禪位王乃卽阼改延康爲黃初奉漢

帝爲山陽公

答司馬懿令

令曰世之所不足者道義也。所有餘者苟妄也。常人之性賤所不足貴所有餘故曰不患無位患所以立。孤雖寡德庶自免于常人之責。夫石可破而不可奪堅。丹可磨而不可奪赤。丹石微物尚保斯質况吾托士人之末列曾受教于君子哉。且於陵仲子以仁爲富。柏城子高以義爲貴。鮑焦感子貢之言棄其蔬而

槁死薪者譏季札失辭皆委重而弗視吾獨何人昔  
周武大聖也使叔旦盟膠鬲于四內使召公約微子  
於共頭故伯夷叔齊相與笑之曰昔神農氏之有天  
下不以人之壤自成不以人之高自高以爲周之伐  
殷以恭也吾德非周武而義慙夷齊庶欲遠苟妄之  
失道立丹石之不奪邁於陵之所富蹈柏城之所貴  
執鮑焦之貞至遵薪者之清節故曰三軍可帥匹夫  
不可奪志吾之斯志豈可奪哉

踐阼之日其苟妄全載去矣



文帝

祀孔子詔

黃初二年

詔曰。昔仲尼資大聖之才。懷帝王之器。當衰周之末。無受命之運。在魯衛之朝。教化乎洙泗之上。悽悽焉。遑遑焉。欲屈已以存道。貶身以救世。于時王公終莫能用之。乃退考五代之禮。脩素王之事。因魯史而制春秋。就太師而正雅頌。俾千載之後。莫不宗其文。以述作。仰其聖。以成謀。咨可謂命世之大聖。億載之師表者也。遭天下大亂。不祀墮壞。舊居之廟。毀而不脩。

衰成之後絕而莫繼闕里不聞講頌之聲四時不覩  
蒸嘗之位斯豈所謂崇禮報功盛德百世必祀者哉  
其以議郎孔羨爲宗聖侯邑百戶奉孔子祀令魯郡  
脩起舊廟置百戶吏卒以守衛之又於其外廣爲室  
屋以居學者

此其志不小



文帝

婦人與政詔

黃初三年九月

詔曰。夫婦人與政。亂之本也。自今以後。羣臣不得奏事太后。后族之家。不得當政輔之任。又不得橫受茅土之爵。以此詔傳後世。若有背違。天下共誅之。有呂氏有邑姜。有王莽有申侯。是亦過正之矯也。





文帝

婚葬律令詔

承明二年五月

詔曰。婚。娉。過。禮。則。嫁。娶。有。失。時。之。弊。厚。葬。送。終。則。生。者。有。糜。費。之。苦。聖。王。知。其。如。此。故。申。之。以。禮。數。約。之。以。法。禁。廼。者。民。漸。奢。尚。婚。葬。越。軌。致。貧。富。相。高。貴。賤。無。別。又。皇。族。貴。戚。及。士。民。之。家。不。惟。氏。族。高。下。與。非。類。婚。偶。先。帝。親。發。明。詔。爲。之。科。禁。而。百。姓。習。常。仍。不。肅。改。朕。今。憲。章。舊。典。祇。案。先。制。著。之。律。令。永。爲。定。準。犯。者。以。違。制。論。





文帝

報王朗

朗上疏言皇子

帝報曰夫忠至者辭篤愛重者言深君旣勞思慮又  
手筆將順三復德音欣然無量朕繼嗣未立以爲君  
憂欽納至言思聞良規





文帝

鵜鵠詔

黃初四年夏五月有鵜鵠鳥集靈芝湖

詔曰此詩人所謂汙澤也。曹詩刺恭公遠君子而近小人。今豈有賢智之士處于下位者乎。否則斯鳥何爲而至。其博舉天下儔德茂才獨行君子以答曹人之刺。

古雅有味

古錄本利

六賦

西至其樹舉天下無然其木斷作器千以聚人  
人今豈不貴乎之士多干可自管平有以和而論  
隋曰貴人佩階代級也貴而陳朱公劉子而也

應酬篇

貴而陳朱公劉子而也

七帝



明帝 諱獻字元仲文帝太子黃初七年夏五月卽皇帝位

課試詔 太和四年春二月

詔曰世之質文隨教而變兵亂以來經學廢絕後生進趣不繇典謨豈訓導未洽將進用者不以德顯乎其郎吏學通一經才任牧民博士課試擢其高第者亟用其浮華不務道本者皆罷退之



聖訓凡有中外無不為其言者

其訓也一經本公對列例士家為其言者

最者不論其言耳聞其言者其言者可以為訓也

其言者其言者其言者其言者其言者其言者

聖訓

其言者其言者其言者其言者其言者其言者

聖訓

其言者其言者其言者其言者其言者其言者



明帝

適子入朝詔

太和五年八月

詔曰古者諸侯朝聘所以敦睦親親協和萬國也先  
帝著令不欲使諸王在京都者謂幼主在位母后攝  
政防微以漸開諸盛衰也朕惟不見諸王十有二載  
悠悠之懷能不興思其令諸王及宗室公侯各將適  
子一人朝後有少主母后在宮者自如先帝令  
魏文疎忌骨肉抑絕不通此善改父政矣

人與天地並立而天地之德無所不周

人與天地並立而天地之德無所不周

人與天地並立而天地之德無所不周

人與天地並立而天地之德無所不周

人與天地並立而天地之德無所不周

人與天地並立而天地之德無所不周

人與天地並立而天地之德無所不周

人與天地並立而天地之德無所不周



齊王

諱芳字蘭卿明帝無子養王宮省莫知其所繇來者景初三年正月卽皇帝位

追賜劉整鄭像詔

嘉平六年春二月諸葛恪圍合肥新城城中遣劉整出

圍爲所得終無他辭又遣鄭像出恪得像將繞城大呼曰大軍近在圍外壯力努力

詔曰夫顯爵所以褒元功重賞所以寵烈士整像召

募通使越蹈重圍冒突白刃輕身守信不幸見獲抗

節彌厲揚六軍之大勢安城守之懼心臨難不顧畢

志傳命昔解楊執楚有隕無貳齊路中大夫以死成

命方之整像所不能加今追賜整像爵關中侯各除

士名使子襲爵如部曲將死事科

絕無漠氣自成一調



高貴鄉公

諱髦字彥士文帝孫東海定王霖子也齊王廢公卿議迎立公

卹死事詔

正元二年冬十月

詔曰朕以寡德不能式遏寇虐乃令蜀賊陸梁邊陲洮西之戰至取負敗將士死亾計以千數或沒命戰場冤魂不反或牽掣虜手流離異域吾深痛愍爲之悼心其令所在郡典農及安撫夷二護軍各部大吏慰恤其門戶無差賦役一年其力戰死事者皆如舊科

浸於偶麗矣

...

...

...

...

...

...

...

...

...

...

...



高貴鄉公

改地名詔

正元三年春三

詔曰古者克敵收其屍以爲京觀所以懲昏逆而章  
武功也。漢孝武元鼎中改桐鄉爲聞喜。新鄉爲獲嘉。  
以著南越之亡。大將軍親總六戎營據丘頭。內夷羣  
凶外殄寇虜功濟兆民聲振四海克敵之地宜有令  
名其改丘頭爲武丘。明以武平亂後世不忘亦京觀  
二邑之義也。

傅通自喜

卷之八

卷之四

卷之四

卷之三



陳留王

諱奐字景明武帝孫燕王宇子高貴鄉公卒公卿議迎立公咸熙二年禪位于晉

取蜀詔

景元四年夏五月

詔曰蜀葭爾小國土狹民寡而姜維虐用其衆曾無  
廢志往歲破敗之後猶復耕種沓中刻剝衆羌勞役  
無已民不堪命夫兼弱攻昧武之善經致人而不致  
于人兵家之上畧蜀所恃賴唯維而已因其遠離巢  
窟用力爲易今使征西將軍鄧艾督帥諸軍趣甘松  
沓中以羅取維雍州刺史諸葛緒督諸軍趣武都高  
樓首尾楚討若擒維便當東西並進掃滅巴蜀也

可見維爲敵人所畏



夏侯玄

字太初尚子少知名曹爽輔政玄與之姑子也累遷散騎常侍中護軍爽誅內不得意中書令李豐謀欲誅大將軍以玄代之廷尉鍾毓奏豐等大逆無道皆夷三族

時政議

太傅司馬宣王問以時事玄議

夫官才用人國之柄也故銓衡專于臺閣上之分也孝行存乎閭巷優劣任之鄉人下之敘也夫欲清教審選在明其分敘不使相涉而已何者上過其分則恐所由之不本而干勢馳騫之路開下踰其敘則恐天爵之外通而機權之門多矣夫天爵下通是庶人議柄也機權多門是紛亂之原也自州郡中正品度

官才之來有年載矣。緬緬紛紛未聞整齊。豈非分敘  
叅錯。各失其要之所由哉。若令中正但考行倫。輩倫  
輩當行均斯可官矣。何者。夫孝行著于家門。豈不忠  
恪于在官乎。仁恕稱于九族。豈不達于爲政乎。義斷  
行于鄉黨。豈不堪于事任乎。三者之類取于中正。雖  
不處其官。名斯任官可知矣。行有大小。比有高下。則  
所任之流亦煥然明別矣。奚必使中正于銓衡之機  
于下。而執機柄者有所委仗于上。上下交侵。以生紛  
錯哉。且臺閣臨下。考功校否。衆職之屬。各有官長。且



夕相考莫究于此。閭閻之議以意裁處而使匠宰失位衆人驅駭欲風俗清靜其可得乎。天臺縣遠衆所絕意所得至者更在側近就不修飾以要所求所求有路則修已家門者已不如自達于鄉黨矣。自達鄉黨者已不如自求之于州邦矣。苟開之有路而患其飾真離本雖復嚴責中正督以刑罰猶無益也。豈若使各帥其分官長則各以其屬能否獻之臺閣臺閣則據官長能否之第參以鄉閭德行之次擬其倫比勿使偏頗中正則唯考其行迹別其高下審定輩類

勿使升降臺閣總之如其所簡或有參錯則其責負自在有司官長所第中正輩擬比隨次率而用之如其不稱責負在外然則內外相參得失有所互相形檢孰能相飾斯則人心定而事理得庶可以靜風俗而審官才矣

官長各察其屬功罪有歸法之善者遂爲後世稱述不厭



陳思王植

字子建善屬文太祖謂曰汝倩人耶植曰言出爲論下筆成章顧當面試以才見異

幾爲太子者數矣

求通親戚疏

黃初二年監國奏植醉酒悖逆貶爵三年立爲鄴城王太和三年徙

封東阿五年上疏求存問親戚因致其意

疏曰臣聞天稱其高者以無不覆地稱其廣者以無不載日月稱其明者以無不照江海稱其大者以無不容故孔子曰大哉堯之爲君惟天爲大惟堯則之夫天德之於萬物可謂弘廣矣蓋堯之爲教先親後疎自近及遠其傳曰克明峻德以親九族九族旣睦

平章百姓及周之文王亦崇厥化其詩曰刑于寡妻至于兄弟以御于家邦是以雍雍穆穆風人詠之昔周公于管蔡之不滅廣封懿親以藩屏王室傳曰周之宗盟異姓爲後誠骨肉之恩爽而不離親親之義實在敦同未有義而後其君仁而遺其親者也伏惟陛下資帝唐欽明之德體文王翼翼之仁惠洽椒房恩昭九族群后百寮番休遞上執政不廢於公朝下情得展於私室親理之路通慶弔之情展誠可謂恕遇治人推惠施恩者矣至於臣者人道絕緒禁錮明



時臣竊自傷也不敢望交氣類修人事敘人倫近  
且婚媾不通兄弟垂絕吉凶之間塞慶弔之禮廢恩  
紀之違甚于路人隔閼之異殊於胡越今臣以一切  
之制永無朝覲之望至於注心皇極結情紫闥神明  
知之矣然天實爲之謂之何哉退唯諸王常有戚戚  
具爾之心願陛下沛然垂詔使諸國慶問四節得展  
以敘骨肉之歡恩全怡怡之篤義妃妾之家膏沐之  
遺歲得再通齊義於貴宗等惠於百司如此則古人  
之所歎風雅之所詠復存於聖世矣臣伏自惟省無

錐刀之用、及觀陛下之所被授、若以臣爲異姓、竊自  
料度、不後於朝士矣、若得辭遠遊、戴武弁、轉朱組、佩  
青綬、駙馬奉車、趣得一號安宅、京室執鞭弭筆、出從  
華蓋、入侍輦轂、承荅聖問、拾遺左右、乃臣丹誠之至  
願、不離於夢想者也、遠慕鹿鳴君臣之宴、中詠常棣  
匪他之誠、下思伐木友生之義、終懷蓼莪罔極之哀、  
每四節之會、塊然獨處、左右惟僕隸、所對惟妻子、高  
談無所與陳、發義無所與展、未嘗不聞樂而拊心、臨  
陽而歎息也、臣伏以爲犬馬之誠、不能動人、譬人之



誠不能動天、崩城隕霜、臣初信之以臣心況徒虛語耳、若葵藿之傾葉、太陽雖不爲之回光、然向之者誠也、竊自比於葵藿、若降天地之施、垂三光之明者、實在陛下、臣聞文子曰、不爲福始、不爲禍先、今之否隔、友于同憂、而臣獨倡言者、竊不願於聖世、使有不蒙施之物、有不蒙施之物、必有慘毒之懷、故柏舟有矢、只之怨、谷風有棄予之歎、故伊尹耻其君不爲堯舜、孟子曰、不以舜之所以事堯事其君者、不敬其君者也、臣之愚蔽、固非虞伊至於欲使陛下崇光被時雍

之美、宣緝熙章明之德者、是臣悽悽之誠、竊所獨守、寔懷鶴立企佇之心、敢復陳聞者、冀陛下儻發天聰、而垂神聽也、

陳思爲文、浮冗卑弱、大畧如是、感甄一賦、廼獨妖艷、七步詩、俚鄙可笑、世稱子建才者、何也、

爲之回

以計之



崔琰

字季珪清河人年二十九乃就鄭玄受學太祖辟爲別駕從事

諫世子書

太祖征并州雷琰傳文帝于鄴世子仍出田獵琰書諫

蓋聞盤于游田書之所戒魯隱觀魚春秋譏之此周孔之格言二經之明義殷鑒夏后詩稱不遠子邠不樂禮以爲思此又近者之得失不可不深察也袁族富彊公子寬放盤游滋侈義聲不聞哲人君子俄有色斯之志熊羆壯士墮于吞噬之用固所以擁徒百萬跨有河朔無所容足也今邦國殄瘁惠康未洽士女企踵所思者德况公親御戎馬上下勞慘世子宜

遵大路。慎以行。正思經國之高略。內鑒近戒。外揚遠節。深惟儲副。以身爲寶。而猥襲虞旅之賤服。忽馳騫而陵險。志雉兔之小娛。忘社稷之爲重。斯誠有識所以惻心也。唯世子燔翳捐褶。以塞衆望。不令老臣獲罪于天。

世子報曰。翳已壞矣。褶亦去焉。倉卒間。魏武能使崔琰能諫。世子能受。不仁而得。亦非偶然也。



王朗

字景興東海人師太尉楊賜太祖表徵之積年乃至文帝踐阼爲司空

孫權遣子入侍疏

孫權欲遣子登入侍不至是時欲舉軍東征朗上疏

昔南越守善嬰齊入侍遂爲冢還君其國康居驕黠情不副辭都護奏議以爲宜遣侍子以黜無禮且吳淠之禍萌於子入隗囂之叛亦不顧子往者聞權有遣子之言而未至今六軍戒嚴臣恐與人未暢聖旨當謂國家愠於登之逋留是以爲之興師設師行而登乃至則爲所動者至大所致者至細猶未足以爲慶設其傲慢殊無入志懼彼輿論之未暢者並懷伊

委  
邑臣愚以爲宜勅別征諸將各明奉禁令以慎守所  
部外曜烈威內廣耕稼使泊然若山澹然若淵勢不  
可動計不可測

簡貴



王朗

修營宮室疏

是時方修營宮室朗上疏

陛下卽位已來恩詔屢布百姓萬民莫不欣欣臣頃  
奉使北行往反道路聞衆徭役其有得蠲除省減者  
甚多願陛下重留日昃之聽以計制寇昔大禹將欲  
拯天下之大患故乃先卑其宮室儉其衣食用能盡  
有九州弼成五服甸踐欲廣禦兒之疆禦兒吳界邊  
戎之地名  
馘夫差於姑蘇故亦約其身以及家儉其家以施國  
用能囊括五湖席卷三江取威中國足霸華夏漢之

文景亦欲恢弘祖業。增崇洪緒。故能割意於百金之臺。昭儉於弋綈之服。內減太官而不受貢獻。外省徭賦而務農桑。用能號稱升平。幾致刑錯。孝武之所以能奮其軍勢。拓其外境。誠因祖考畜積素足。故能遂成大功。霍去病中才之將。猶以匈奴未滅。不治第宅。明邱遠者畧近事。外者簡內。自漢之後。及其中興。皆於金華畧寢之後。然後鳳闕猥闕。德陽並起。今當建始之前。是用列朝會。崇華之後。是用序內宮。華林天淵。是用展游宴。若且先成閭闔之象。魏使是用列遠。



人之朝貢者。修城池。使足用。絕踰越。成國險。其餘一切。且須豐年。一以勤耕農爲務。習戎備爲事。則國無怨曠。戶口滋息。民充兵彊。而寇戎不賓。緝熙不作。未之有也。

大禹節儉特爲拯患高奇獨絕





王朗

保育皇子疏

時屢失皇子而後住就館者少朗上疏

昔周文十五而有武王遂享十子之祚以廣諸姬之  
胤武王既老而生成王成王是以鮮於兄弟此二王  
者各樹聖德無以相過比其子孫之祚則不相如蓋  
生育有早晚所產有衆寡也陛下既德祚兼彼二聖  
春秋高於姬文育武之時矣而子發未舉於椒蘭之  
奧房藩王未繁於掖庭之衆室以成王爲俞雖未爲  
晚取譬伯邑則不爲夙周禮六宮內官百二十人而

諸經常說咸以十二爲限。至於秦漢之末。或以千百爲數矣。然雖彌猥。而就時於吉館者。或甚鮮明。百斯男之本。誠在於一意。不但在於務廣也。老臣悽悽願國家同祚於軒轅之五五。而未及周文之二五。用爲伊邑。且少小常苦被褥泰溫。泰溫則不能便柔膚弱體。是以難可防護。而易用。感慨若常令少小之縕袍。不至於甚厚。則必咸保金石之性。而比壽於南山矣。



字子雍朗子年十八從宋忠讀太玄而更爲之  
解采會同與爲尚書詩論語三禮左氏解及撰  
定父朗所作易  
傳皆列于學官

征蜀疏

太和四年大司馬  
曹真征蜀肅上疏

前志有之千里饋糧士有饑色焦蘇後燠師不宿飽  
此謂平塗之行軍者也又况於深入阻險鑿路而前  
則其爲勞必相百也今又加之以霖雨山坂峻滑衆  
逼而不展糧縣而難繼實行軍者之大忌也聞曹真  
發已踰月而行裁半谷治道功夫戰士悉作是賦偏  
得以逸而待勞乃兵家之所憚也言之前代則武王

伐紂出關而復還論之近事則武文征權臨江而不  
濟豈非所謂順天知時通於權變者哉兆民知聖上  
以水雨艱劇之故休而息之後日有釁乘而用之則  
所謂悅以犯難民忘其死者矣



董昭

與袁春卿書

昭從圍鄴袁紹同族春卿爲魏郡太守在城中其父在揚州太祖遣人迎之昭與春卿書

蓋聞孝者不背親以要利仁者不忘君以徇私志士不探亂以徼幸智者不詭道以自危足下大君昔避內難南游百越非疏骨肉樂彼吳會智者深識獨或宜然曹公愍其守志清恪離羣寡儔故特遣使江東或迎或送今將至矣就令足下處偏平之地依德義之主居有泰山之固身爲喬松之偶以義言之猶宜

背彼向此。舍民趣父也。且邾儀父始與隱公盟。魯人嘉之。而不書爵。然則王所未命。爵尊不成。春秋之義也。況足下今日之所託者。乃危亂之國。所受者。乃矯誣之命乎。苟不逞之與群。而厥父之不恤。不可以言孝。忘祖宗所居之本。朝安非正之。奸職難可以言忠。忠孝並替。難以言智。又足下昔日爲曹公所禮辟。夫戚族人而疏所生。內所寓而外王室。懷邪祿而叛知己。遠福祚而近危亡。棄明義而收大耻。不亦可惜邪。若能翻然易節。奉帝養父。委身曹公。忠孝不墜。榮名



彰矣宜深畱計早決良圖

整密爲體辨至乃國策也

志在祖宗所信之本信及非此之好惡雖可以言志  
志學生皆以言信又足下言曰為曹公所禮將去  
而欲人所共知則將而外至空懷邪祿而販如  
茲密為蠶鞭至以國策也而教人則不亦可惜耶  
連矣宜將留情早共其圖委身曹公忠孝不墮前名



董昭

字公仁濟陰人說張楊表薦太祖天子在安邑昭從河內往詔拜議郎

陳流樊疏

明帝卽位昭行司徒事六年拜真昭上疏陳末流之弊

凡有天下者莫不貴尚敦樸忠信之士深疾虛僞不  
真之人者以其毀教亂治敗俗傷化也近魏諷則伏  
誅建安之末曹偉則斬戮黃初之始伏惟前後聖詔  
深疾浮僞欲以破散邪黨常用切齒而執法之吏皆  
畏其權勢莫能糾擿毀壞風俗侵飲滋甚竊見當今  
年少不復以學問爲本專更以交游爲業國士不以  
孝悌清修爲首乃以趨勢游利爲先合黨連群互相

褒歎以毀訾爲罰戮。用黨譽爲爵賞。附已者則歎之。  
盈言不附者則爲作瑕釁。至乃相謂今世何憂不度。  
邪。但求人道不勤。羅之不博耳。又何患其不知已矣。  
但當吞之以藥而柔調耳。又聞或有使奴客名作在  
職家人。冒之出入。往來禁與交通書疏。有所探問。凡  
此諸書。皆法之所不取。刑之所不赦。雖諷偉之罪。無  
以加也。

千年以前弊與今合得無可思



蔣濟

字子通，楚國人，仕州別駕，使于譙。太祖拜濟丹陽太守，明帝時賜爵關內侯。

中書專任疏

時中書監令號為專任，濟上疏。

大臣太重者國危，左右太親者身蔽。古之至戒也。往者大臣秉事，外內扇動，陛下卓然自覽，萬機莫不祇肅。夫大臣非不忠也，然威權在下，則衆心慢上，勢之常也。陛下既已察之于大臣，願無忘于左右。左右忠正遠慮，未必賢于大臣，至于便辟取舍，或能工之。今外所言輒云中書，雖使恭慎，不敢外交，但有此名，猶惑世俗，况實握事要，日在目前。儻因疲倦之間，有所

割制衆臣皆其能推移于事卽亦因時而向之一有此端因當內設自完以此衆語私招所交爲之內援若此臧否毀譽必有所興功負賞罰必有所易直道而上者或壅曲附左右者反達因微而入緣形而出意所狎信不復猜覺此宜聖智所當早聞外以經意則形際自見或恐朝臣畏言不合而受左右之怨莫適以聞臣竊亮陛下潛神默思公聽並觀若事有未盡于理而物有未周于用將改曲易調遠與黃唐角近昭武文之迹豈近習而已哉然人君猶不可悉



天下事以適已明當有所付三官任一臣非周公旦之忠又非管夷吾之公則有弄機敗官之弊當今在石之士雖少至于行稱一州智效一官忠信竭命各奉其職可並驅策不使聖明之朝有專吏之名也人主卽親中臣外無黨附其權無用其勢不成所以因時之向爲可恨也

Table with 10 vertical columns and 1 horizontal header row. The header row contains the text "新書" (Shinsho). The table body contains 10 columns of text, which are mostly illegible due to fading and damage. The text appears to be organized into a structured format, possibly a list or a table of contents.



杜恕

恕字務伯，畿子。太和  
中，爲散騎黃門侍郎。

刺史領兵疏

時公卿以下大議損益，恕以爲刺史可勿令領兵以專民事。俄而鎮

北將軍呂昭又領  
冀州，恕乃上疏。

帝王之道，莫尚乎安民。安民之術，在於豐財。豐財者，務本而節用也。方今二賊未滅，戎車亟駕，此自熊虎之士，展力之秋也。然搢紳之儒，橫加榮慕，扼腕抗論，以孫吳爲首。州郡牧守，咸其忽恤民之術，修將率之事，農桑之民，競干戈之業，不可謂務本。帑藏歲虛，而制度歲廣，民力歲衰，而賦役歲興，不可謂節用。今大

魏奄有十州之地，而承喪亂之弊，計其戶口，不如往昔一州之民。然而二方僭逆，北虜未賓，三邊構難，統天畧市，所以統一州之民，經營九州之地，其爲艱難，譬策羸馬以取道理，豈可不加意愛惜其力哉！以武皇帝之節儉，府藏充實，猶不能十州擁兵，郡且二十也。今荆揚青徐幽并雍涼緣邊諸州，皆有兵矣，其所恃內克府庫，外置四夷者，惟交豫司冀而已。臣前以州郡典兵，則專心軍功，不勤民事，宜別置將守，以盡治理之務。而陛下復以冀州寵秩呂昭，冀州戶口最



多田多墾闢。又有桑棗之饒。國家徵求之府。誠不當復任以兵事也。若以北方當須鎮守。自可專置大將以鎮安之。計所置吏士之費。與兼官無覺。然昭于人才尚復易。中朝苟乏人。兼才者勢不獨多。以此推之。知國家以人擇官。不爲官擇人也。官得其人。則政平訟理。政平故民富實。訟理故囹圄空虛。陛下踐阼天下。斷獄百數十人。歲歲增多。至五百餘人矣。民不益多。法不益峻。以此推之。非政教陵遲。牧守不稱之明效歟。往年牛死。通率天下。十能損二。麥不半收。秋種



未下。若二賊游魂于疆場，飛芻輓粟千里不及究此之術，豈在彊兵乎？武士勁卒愈多愈多，愈病耳。夫天下猶人之體，腹心克實，四支雖病，終無大患。今兗、豫、司、冀亦天下之腹心也，是以愚臣悽悽實願四州之牧守獨修務本之業，以堪四支之重。然孤論難持，犯欲難成，衆怨難積，疑似難分，故累載不爲明主所察。凡言此者，類皆疏賤，疏賤之言實未易聽。若使善策必出于親貴，固不犯四難以求忠愛，此古今之所常也。



高堂隆

字升平泰山人魯高唐生後也太祖召爲掾黃初中爲平原王傅王卽尊位賜爵關內侯

淫雨疏

帝愈增崇宮殿百役繁興天作淫雨冀州水出漂沒民物隆上疏切諫

臣觀在昔書籍所載天人之際未有不應也是以古  
先哲王畏上天之明命循陰陽之逆順兢兢業業惟  
恐有違然後治道用興德與神符災異旣發懼而修  
政未有不延期流祚者也爰及末葉闇君昏主不崇  
先王之令軌不納正士之直言以遂其情志恬忽變  
戒未有不尋踐禍難至於顛覆者也天道旣著請以  
人道論之夫六情五性同在於人嗜欲廉貞各居其





一及其動也、交爭于心、欲彊質弱、則縱濫不禁、精誠  
不制、則放溢無極、夫情之所在、非好則美、而美好之  
集、非人力不成、非穀帛不立、情苟無極、則人不堪其  
勞、物不充其求、勞求並至、將起禍亂、故不割情、無以  
相供、仲尼云、人無遠慮、必有近憂、由此觀之、禮義之  
制、非苟拘分、將以遠害而興治也、今吳蜀二賊、非徒  
自地小虜、聚邑之寇、乃據險乘流、跨有士衆、僭號稱  
帝、欲與中國爭衡、今乃有人來告、權備並修德政、復  
減省租賦、不治玩好、動咨耆賢、事遵禮度、陛



下聞之。豈不惕然。惡其如此。以爲難卒討滅。而爲國  
憂乎。若使告者曰。彼二賊並爲無道。崇侈無度。役其  
士民。重其徵賦。下不堪命。吁嗟日甚。陛下聞之。豈不  
勃然忿其困我無辜之民。而欲速加之誅。其次豈不  
幸彼疲弊而取之不難乎。苟如此則可易心而度。事  
義之數亦不遠矣。

先是陵霄闕構有鵲巢其上。隆曰。詩云。維鵲有巢。  
維鳩居之。此宮室未成。身不得居之象也。何其言  
之切中。





文帝

又與吳質書

書曰、歲月易得、別來行復四年、三年不見、東山猶歎其遠、況乃過之、思何可支、雖書疏徃反、不足解其勞結、昔年疾疫、親故多離其災、徐陳應劉、一時俱逝、痛何可言、邪、昔日游處、行則同輿、止則接席、何嘗須臾相失、每至觴酌流行、絲竹並奏、酒酣耳熱、仰而賦詩、當此之時、忽然不自知樂也、謂百年已分、長共相保、何圖數年之間、零落畧盡、言之傷心、頃復其遺文、都



爲一集觀其姓名已爲鬼錄追思昔游猶在心目而此諸子化爲糞壤可復道哉觀古今文人類不護細行鮮能以名節自立而偉長獨懷文抱質恬淡寡欲有箕山之志可謂彬彬君子矣著中論二十餘篇成一家之業辭義典雅足傳于後此子爲不朽矣德璉常斐然有述作意才學足以著書美志不遂良可痛惜間歷觀諸子之文對之枚歎旣痛逝者行自念也孔璋章表殊健微爲繁富公幹有逸氣但未道耳至其五言詩妙絕當時元瑜書記翩翩致足樂也仲宣



獨自擅於辭賦。惜其體弱。不足起其文。至於所善。古人無以遠禍也。昔伯牙絕絃於鍾期。仲尼覆醢于子路。愍知音之難遇。傷門人之莫逮也。諸子但爲未及古人。自一時之偶也。今之存者。已不逮矣。後生可畏。來者難誣。然吾與足下不及見也。行年已長大。所懷萬端。時有所慮。至乃通夕不瞑。何時復類昔日已成老翁。但未白頭耳。光武言年已二十。在軍十年。所更非一。吾德雖不及。年與之齊。以犬羊之質。服虎豹之文。無衆星之明。假日月之光。動見觀瞻。何時易邪。恐

永不復得爲昔日游也、少壯真當努力、年一過往、何  
可攀援、古人思秉燭夜游、良有以也、頃何以自娛、頗  
復有所造述不、東望於邑、裁書敘心、

陳思與楊修書多發人短、高自詡大、此才不足而  
妬有餘也、觀此書度量相越、何其遠哉、



王昶

字文舒太原人文帝在東宮昶爲太子文學文  
帝踐祚徙散騎侍郎兗州刺史明帝卽位賜爵

關內

侯

戒子書

昶爲兄子及子作名字皆依謙實以見  
意兄子默沈其子渾深

夫人爲子之道莫大於保身全行以顯父母此三者  
人知其善而或危身破家陷于滅亾之禍者何也由  
所祖習非其道也夫孝敬仁義百行之首行之而立  
身之本也孝敬則宗族安之仁義則鄉黨重之此行  
成于內名著于外者矣人若不篤于至行而背本逐  
末以陷浮華焉以成朋黨焉浮華則有虛僞之累朋

黨則有彼此之患。此二者之戒。昭然著明。而循覆車  
滋衆。逐末彌甚。皆由惑當時之譽。昧目前之利。故也。  
夫富貴聲名人情所樂。而君子或得而不處。何也。惡  
不由其道耳。患人知進而不知退。知欲而不知足。故  
有困辱之累。悔吝之咎。語曰。如不知足。則失所欲。故  
知足之足。常足矣。覽往事之成敗。察將來之吉凶。未  
有干名要利。欲而不厭。而能保世持家。永全福祿者。  
也。欲使汝曹立身行己。遵儒者之教。履道家之言。故  
以玄默冲虛爲名。欲使汝曹顧名思義。不敢違越也。



古者盤杆有名，几杖有誠，俯仰察焉，用無過行，況在  
已名，可不戒之哉？夫物速成則疾亡，晚就則善終。朝  
華之草，夕而零落；松柏之茂，隆寒不衰。是以大雅君  
子，惡速成，戒闕黨也。若范匄對秦客，至武子擊之，析  
其委筭，惡其掩人也。國語曰：范文子暮退於朝，武子  
曰：何暮也？對曰：有秦客庾辭於朝，大夫莫之能對也。吾知三焉：武子怒曰：大夫非不能也，讓父兄也。爾童子而三掩人於朝，吾不在晉國，以杖折其委筭。夫人有善，鮮不自伐；有能者，寡不自  
矜。伐則掩人，矜則陵人。掩人者，人亦掩之；陵人者，人  
亦陵之。故三郤爲戮於晉，王叔負罪於周，不惟矜善

自伐好爭之咎乎。故君子不自稱。非以譏人。惡其蓋人也。夫能屈以爲伸。讓以爲得。弱以爲強。鮮不遂矣。夫毀譽愛惡之原。而禍福之機也。是以聖人慎之。孔子曰。吾之於人。誰毀誰譽。如有所譽。必有所試。又曰。子貢方人。賜也賢乎哉。我則不暇。以聖人之德。猶尚如此。况庸庸之徒。而輕毀譽哉。昔伏波將軍馬援戒其兄子。言聞人之惡。當如聞父母之名。耳可得而聞。口不可得而言也。斯戒至矣。人或毀已。當退而求之於身。若已有可毀之行。則彼言當矣。若已無可毀之



行則彼言妄矣。當則無怨于彼。忘則無害於身。又何  
反報焉。且聞人毀已而忿者。惡醜聲之加於人也。人報  
者。滋甚。不如默而自修已也。諺曰。救寒莫如重裘。止  
謗莫如自修。斯言信矣。若與是非之士。凶險之人。近  
猶不可。況與對校乎。其害深矣。夫虛僞之人。言不根  
道。行不顧言。其爲浮淺。較可識別。而世人惑焉。猶不  
檢之以言行也。近濟陰魏諷。山陽曹偉。皆以傾邪敗  
沒。熒惑當世。挾持奸慝。驅動後生。雖刑於鈇鉞。大爲  
炯戒。然所汙染。固以衆矣。可不慎與。若夫山林之士。

夷叔之倫甘長饑於首陽安赴火於綿山雖可以激  
貪勵俗然聖人不可爲吾亦不願也今汝先人世有  
冠冕惟仁義爲名守慎爲稱孝悌於閨門務學於師  
友吾與時人從事雖出處不同然各有所取潁川郭  
伯益好尚通達敏而有知其爲人弘曠不足輕廣有  
餘得其人重之如山不得其人忽之如草吾以所知  
親之昵之不願兒子爲之北海徐偉長不治名高不  
求苟得澹然自守惟道是務其有所是非則託古人  
以見其意當時無所褒貶吾敬之重之願兒子師之



東平劉公幹博學有高才誠節有大意然性行不均  
少有拘忌得失足以相補吾愛之重之不願兒子慕  
之樂安任昭先淳粹履道內敏外恕推遜恭讓處不  
避滂怯而義勇在朝忘身吾友之善之願兒子遵之  
若引而伸之觸類而長之汝其庶幾舉一隅耳及其  
用財先九族其施舍務周急其出入存故老其論議  
貴無貶其進仕尚忠節其取人務道實其處世戒驕  
淫其貧戚慎無戚其進退念合宜其行事如九思如  
此而已吾復何憂哉

教以沈默渾深復取人臧否爲法戒此與馬援戒  
子不談人過而短長龍伯高杜季良以身取怨禍  
者何異明知伯夷叔齊激貪勵俗猶不願爲大槩  
教之調矣



王基

字伯輿東萊人黃初中察孝廉除郎中

戒司馬景王書

景王新統政基書戒之

天下至廣萬機至猥誠不可不矜矜業業坐而待旦也夫志正則衆邪不生心靜則衆事不躁思慮審則教令不煩親用忠良則遠近協服故知和遠在身定衆在心許允傳嚴袁侃崔賛皆一時正士有直質而無流心可與同政事者也

魏運未替黨新朝者已効忠披縗如此矣

...

...

...

...

...

...

...

...



通鑑 字士季太傅繇小子敏惠夙成會年五歲繇遣  
將濟濟甚異之曰非常人也及壯有材藝衍數

傳學精

名理

檄蜀將士吏民

文王欲大舉圖蜀惟會亦以為可取以會為鎮西將軍假節都

督關中諸軍事移檄蜀將士吏民

往者漢祚衰微率土分崩生民之命幾于泯滅太祖  
武皇帝神武聖哲撥亂反正拯其將墜造我區夏高  
祖文皇帝應天順民受命踐阼烈祖明皇帝奕世重  
光恢拓洪業然江山之外異政殊俗率土齊民未蒙  
工化此王祖所以顧懷遺恨也今祖上聖德欽明紹

逢前緒宰輔忠肅明允劬勞王室布政垂惠而萬邦  
協和施德百蠻而肅慎致貢悼彼巴蜀獨爲匪民愍  
此百姓勞役未已是以命授六師襲行天罰征西雍  
州鎮西諸軍五道並進古之行軍以仁爲本以義治  
之王者之師有征無戰故虞舜舞干戚而服有苗周  
武有散財發廩表閭之義今鎮西奉辭銜命攝統戎  
重族弘文告之訓以濟元元之命非欲窮武極戰以  
快一朝之政故畧陳安危之要其敬聽話言益州先  
主以命世英才興兵朔野因躋冀徐之郊制命維新



之手。太祖拯而濟之。與隆大好。中更背違。棄國卽異。  
諸葛孔明仍規秦川。姜伯約屢出隴右。勞動我邊境。  
侵擾我氏羌。方國家多故。未遑修九伐之征也。今邊  
境又清。方內無事。畜力待時。并兵一川。而巴蜀一州  
之衆。分張守備。難以禦天下之師。段谷侯和沮傷之  
氣。難以敵堂堂之陣。比年以來。曾無寧歲。征夫勤瘁。  
難以當子來之民。此皆諸賢所親見也。蜀相壯見禽  
于秦。公孫述授首于漢。九州之險。是非一姓。此皆諸  
賢所備聞也。明者見危于無形。智者窺禍于未萌。安

醜毒懷祿而不變哉。國朝隆天覆之恩。宰輔弘寬  
恕之德。先惠後誅。好生惡殺。往者吳將孫壹舉衆內  
附。位爲上司。寵秩殊異。文欽唐咨。爲國大害。叛王讐  
賊。還爲戎首。次困逼禽獲。欽二子還降。皆將軍封侯  
咨與聞國事。壹等窮蹙歸命。猶加盛寵。况巴蜀賢知  
見機而作者哉。誠能深鑒成敗。邈然高蹈。投跡微子  
之蹤。錯身陳平之軌。則福同古人。慶流來裔。百姓士  
民安堵。舊業農不易畝。市不問肆。去累卵之危。就永  
安之福。豈不美與。若偷安旦夕。迷而不反。大兵一發。



玉石俱碎、雖欲悔之、亦無及已、其詳擇利害、自求多福、各具宣布、咸使聞知、

鍾士季絕世奇才、檄蜀者有以用蜀也、勸取蜀者實爲自取也、彼見曹氏以詐力纂取天下、司馬又將從而負敗焉、雄心壯規、蓋有非常之慮、觀其入蜀之後、去緒除艾、欲使騎步兼進、五日之內、水陸並會洛陽、自以一旦天下可定也、豈非烈丈夫之爲哉、天命不誦、徒死可惜、

此書之精義猶如五石

之書其理自一而至於萬

其理之精微莫不備載

其理之宏遠莫不備載

其理之深邃莫不備載

其理之廣闊莫不備載

其理之精微莫不備載

其理之宏遠莫不備載



劉虞

字恭嗣南陽人虞兄望之有名于世爲劉表所害虞懼遂歸太祖

治道論

論曰昔者周有亂臣十人有婦人焉九人而已孔子稱才難不其然乎明賢者難得也况亂弊之後百姓凋盡士之存者蓋亦無幾股肱大職及州郡督司邊方重任雖備其官亦未得人也此非選者之不用意蓋才匱使之然耳况於長吏以下群職小任能皆簡練備得其人也其計莫如督之以法不爾而數轉易往來不已送迎之煩不可勝計轉易之間輒有姦巧

既於其事不省而爲政者亦以其不得久安之故知  
惠益不得成於已而苟且之可免於患皆將不念盡  
心於卹民而夢想於聲譽此非所以爲政之本意也  
今之所以爲黜陟者近頗以州郡之毀譽聽往來之  
浮言耳亦皆得其事實而課其能否也長吏之所以  
爲佳者奉法也憂公也卹民也此主事者或州郡有  
所不便往來者有所不安而長吏執之不已于治雖  
得計其聲譽未爲美屈而從人于治雖失計其聲譽  
必集也長吏皆知黜陟之在于此也亦何能不去本



而○就○末○哉○以○爲○長○吏○皆○宜○使○少○久○足○使○自○展○歲○課○之○  
能○三○年○總○計○乃○加○黜○陟○課○之○皆○當○以○事○不○得○依○名○事○  
者○皆○以○戶○口○率○其○墾○田○之○多○少○乃○盜○賊○發○興○民○之○亡○  
叛○者○爲○得○負○之○計○如○此○行○之○則○無○能○之○吏○修○名○無○益○  
有○能○之○人○無○名○無○損○法○之○一○行○雖○無○部○司○之○監○姦○譽○  
妄○毀○可○得○而○盡○

聲譽實治勢不得兼爲長吏誠難





曹同

魏宗室中常侍兄叔興之後少帝族祖也

宗室論

時少帝幼稚同以此論感悟曹爽爽不能用

論曰昔夏殷周歷世數十而秦二世而亡何則三代之君與天下共其民故天下同其憂秦王獨制其民故傾危而莫救夫與民共其樂者人必憂其憂與民同其安者人必拯其危先王知獨治之不能久也故與人共治之知獨守之不能固也故與人共守之兼親疎而兩用參同異而並建是以輕重足以相鎮親疎足以相衛并兼路塞逆節不生及其衰也桓文帥



禮苞茅不貢、齊師伐楚、宋不城周、晉戮其宰、王綱弛而復張、諸侯傲而復肅、二霸之後、浸以陵遲、吳楚憑江、負固方城、雖心希九鼎、而畏迫宗姬、姦情散於胸懷、逆謀消于唇吻、斯豈非信重親戚、任用賢能、枝葉碩茂、本根賴之與、自此之後、轉相攻伐、吳併於越、晉分爲三、魯滅於楚、鄭兼於韓、暨於戰國、諸姬微矣、惟燕衛獨存、然皆弱小、西迫強秦、南畏齊楚、憂懼滅亡、匪遑相恤、至于王赧降爲庶人、猶枝幹相持、得居虛位、海內無主、四十餘年、秦據勢勝之地、騁譎詐之術、



征伐關東、蠶食九國、至于始皇、乃定天位、曠日若彼、用力若此、豈非深固根蒂、不拔之道乎、易曰、其亡其亡、繫於苞桑、周德其可謂當之矣、秦觀周之弊、以爲小弱見奪、於是廢五等之爵、立郡縣之官、棄禮樂之教、任苛刻之政、子弟無尺寸之封、功臣無立錫之地、內無宗子以自毗輔、外無諸侯以爲藩衛、仁心不加於親戚、惠澤不流於枝葉、譬猶芟刈股肱、獨任胸腹、浮舟江海、捐棄楫櫂、觀者爲之寒心、而始皇晏然自以爲關中之固、金城千里、子孫帝王萬世之業也、豈

不常哉。是時淳于越諫曰：臣聞殷周之王，封子弟功臣，千有餘城。今陛下君有海內，而子弟爲匹夫，卒有田常、六卿之臣，而無輔弼，何以相救？事不師古，而能長久者，非所聞也。始皇聽李斯偏說，而絀其議。至于身死之日，無所寄付，委天下之重于凡夫之手。託廢立之命於奸臣之口。至今趙高之徒，誅鉏宗室，胡亥少習刻薄之教，長遭凶父之業，不能改制易法，寵任兄弟，而乃師譚申商，諮謀趙高，自幽深宮，委政讒賊，身殘望夷，求爲黔首，豈可得哉？遂乃郡國離心，衆庶















潰叛勝廣偪之于前。劉項弊之於後。向使始皇納淳  
于之策。抑李斯之論。割裂州國。分王子弟。封三代之  
後。報功臣之勞。士有常君。民有定主。枝葉相扶。首尾  
爲用。雖使子孫有失道之行。時人無湯武之賢。奸謀  
未發。而身已屠戮。何區區之陳項而復得措其手足  
哉。故漢祖奮三尺之劍。驅烏集之衆。五年之中。遂成  
帝業。自開闢以來。其興立功勲。未有若漢祖之易也。  
夫伐深根者。難爲功。摧枯朽者。易爲力。理勢然也。漢  
監秦之失。封殖子弟。及諸呂擅權。圖危劉氏。而天下

所以不傾動。百姓所以不易心者，徒以諸侯强大，盤石膠固，東牟朱虛受命于內，齊代吳楚作衛於外，故也。向使高祖踵亡秦之法，忽先王之制，則天下已傳非劉氏有也。然高祖封建，地過古制，大者跨州兼郡，小者連城數十，上下無別，權侔京室，故有吳楚七國之患。賈誼曰：諸侯强盛，長亂起姦。夫欲天下之治安，莫若衆建諸侯而少其力，令海內之勢若身之使臂，臂之使指，則下無背叛之心，上無誅伐之事。文帝不從五刑於幸景，猥用鼂錯之計，削黜諸侯親者，怨恨踈









者震恐、吳楚倡謀、五國從風、兆發高帝、繫鍾文景、由  
寬之過制、急之不漸故也。所謂未大必折、尾大難操、  
尾同於體、猶或不從、況乎非禮之尾、其可掉哉。武帝  
從主父之策、下推恩之令、自是之後、齊分爲七、趙分  
爲六、淮南三割、梁代五分、遂以陵遲、子孫微弱、衣食  
租稅不預政事、或以酎金免削、或以無後國除。至于  
成帝、王氏擅朝、劉向諫曰、臣聞公族者、國之枝葉、枝  
葉落、則本根無所庇蔭、方今同姓踈遠、母黨專政、排  
擯宗室、孤弱公族、非所以保守社稷、安固國嗣也。其



言深切多所稱引成帝雖悲傷歎息而不能用于  
哀平異姓乘權假周公之事而爲田常之亂高拱而  
竊天位一朝而臣四海漢宗室王侯解印綬貢奉  
社稷猶懼不得爲臣妾或乃爲之符命頌莽恩德豈  
不哀哉由斯言之非宗子獨忠孝于惠文之間而叛  
逆於哀平之際也徒權輕勢弱不能有定耳賴光武  
皇帝挺不世之姿禽王莽于已成紹漢嗣於旣絕斯  
豈非宗子之力也而曾不監秦之失策襲周之舊制  
墮王國之法而欲倖無疆之期至于桓靈闇豎執紼



朝無死難之臣、外無同憂之國、君孤立於上、臣弄權於下、本末不能相御、身首不能相使、繇是天下鼎沸、姦凶並爭、宗廟焚爲灰燼、宮室變爲榛藪、居九州之地、而身無所安處、悲夫、魏太祖武皇帝躬聖明之資、兼神武之畧、耻王綱之廢絕、愍漢室之傾覆、龍飛譙沛、鳳翔兗豫、掃除兇逆、剪滅鯨鯢、迎帝西京、定都潁、邑德動天地、義感人神、漢氏奉天、禪位大魏、大魏之興、於今二十有四年矣、觀五代之存亡、而不用其長策、覩前車之傾覆、而不改於轍迹、子弟王空虛之地、



君有不使之民。宗室竄於閭閻。不聞邦國之政。權均匹夫。勢齊凡庶。內無深根不拔之固。外無磐石宗盟之助。非所以安社稷。爲萬世之業也。且今之州牧郡守。古之方伯諸侯。皆跨有千里之士。兼軍武之任。或比國數人。或兄弟並據。而宗室子弟。曾無一人。間廁其間。與相維持。非所以強幹弱枝。備萬一之虞也。今之用賢。或超爲名都之主。或爲偏師之帥。而宗室有文者。必限小縣之宰。有武者。必置百人之上。使夫廉高之士。卑志于衡轡之內。才能之人。耻於非類。爲在。



非所以勸進賢能。褒異宗室之禮也。夫泉竭則流涸，根朽則葉枯。枝繁者蔭根，條落者本孤。故語曰：百足之蟲，至死不殭；以扶之者衆也。此言雖小，可以譬大。且墉基不可倉卒而成，威名不可一朝而立。皆爲之有漸。建之有素，譬之種樹。久則深固，其本根茂盛，其枝葉若造次徙于山林之中，植於宮闕之下，雖壅之以黑墳，煖之以春日，猶不救於枯槁。而何暇繁育哉！夫樹猶親戚，土猶士民，建置不久，則輕下慢上，平居猶懼其離叛，危急將若之何？是以聖王安而不逸，以

慮危也存而設備以懼亡也故疾風卒至而無摧拔之憂天下有變而無傾危之患矣

魏文私憾陳思削弱本根蕃王食邑不過數千監國檢制有若枸囚一旦傾移無所枝梧失在文帝不在曹爽也



傳玄

馬先生序

扶風馬鈞巧思  
絕世傳玄序

馬先生天下之名巧也。少而游豫，不自知其爲巧也。當此之時，言不及巧焉。可以言，知乎？爲博士，居貧，乃思綾機之變，不言而世人知其巧矣。舊綾機五十綜者，五十躡六十綜者，六十躡。先生患其喪功費日，乃皆易以十二躡。其奇文異變，因感而作者，循自然之成形，陰陽之無窮。此輪扁之對，不可以言。言者又焉可以言校也？先生爲給事中，與常侍高堂隆、驍騎將

軍秦朗爭論于朝言及指南車二子謂古無指南車  
記言之虛也先生曰古有之未之思耳夫何遠之有  
二子哂之曰先生名鉤字德衡鉤者器之模而衡者  
所以定物之輕重輕重無準而莫不模哉先生曰虛  
爭空言不如試之易效也于是二子遂以白明帝詔  
先生作之而指南車成此一異也又不可以言者也  
從是天下服其巧矣居京都城內有地可以爲園患  
無水以灌之乃作翻車令童兒轉之而灌水自覆更  
入更出其巧百倍于常此二異也其後人有上百戲



者能設而不能動也。帝以問先生可動否。對曰可動。帝曰其巧可益否。對曰可益。受詔作之以大木彫構使其形若輪平地施之。潛以水發焉。設爲女樂舞象。至令木人擊鼓吹簫作山岳使木人跳丸擲劍緣絙倒立出入自在。百官行署春磨鬪鷄巧變百端。此三異也。先生見諸葛亮連弩曰巧則巧矣未盡善也。言作之可令加五倍。又患發石車敵人之于樓邊縣濕牛皮中之則墮石不能連屬而至欲作一輪縣大石數十以機鼓輪爲常則以斷縣石飛擊敵城使首尾

電至嘗試以車輪縣瓴甃數十飛之數百步矣有裴  
子者上國之士也精通見理聞而哂之乃難先生先  
生口屈不對裴子自以爲難得其要言之不已傅子  
謂裴子曰子所長者言也所短者巧也馬氏所長者  
巧也所短者言也以子所長擊彼所短則不得不屈  
以子所短難彼所長則必有所不解者夫巧天下之  
微事也有所不解而難之不已其相擊刺必已遠矣  
心垂于內口屈于外此馬氏所以不對也傅子見安  
鄉侯言及裴子之論安鄉侯又與裴子同傅子曰聖



人具體備物。取人不以一揆也。有以神取之者。有以言取之者。有以事取之者。有以神取之者。不言而誠心先達。德行顏淵之倫是也。以言取之者。以變辯是非。言語宰我子夏是也。以事取之者。若政事冉有季路。文學子游子夏。雖聖人之明盡物。如有所用。必有所試。然則試冉季以政。試游夏以學矣。游夏猶然。况自此而降者乎。何者。懸言物理。不可以言盡也。施之于事。言之難盡。而試之易知也。今若馬氏所欲作者。國之精器。軍之要用也。費十尋之木。勞二人之力。不

經時而是非定。難試易驗之事。而輕以言抑人異能。此猶以已智任天下之事。不易其道以御難盡之物。此所以多廢也。馬是所以作。因變而得是。則初所言者不皆是矣。其不皆是。因不用之。是不世之巧無由出也。夫同情者相妬。同事者相害。中人所不能免也。故君子不以人害人。必以考試爲衡石。廢衡石而不。用此美玉所以見誣爲石。荆和所以抱璞而哭之也。于是安鄉侯悟。遂言之武安侯。武安侯忽之。不果試也。此旣易試之事。又馬氏巧名已定。猶忽而不察。况



幽深之才。無名之樸乎。後之君子。其鑒之哉。馬志主  
之巧。雖古公輸般墨翟王爾。近漢世張平子。不能追  
也。公輸般墨翟。皆見用于時。乃有益于世。平子雖爲  
侍中。馬先生雖給事省中。俱不典工官。巧無益于世。  
用人不當。其才聞賢不試。以事良可恨也。

玄爲晉人文載魏註竒妙無方璽則南華持理爲  
過





三國書

蜀志 奏議

吳志 雜著

詔令

顧在觀觀生

蕙水徐時會嘉之

雲間許清胤介夫輯評

顧之萃宗之叅訂

句章陳裕廣生

陳祐天生

先主

姓劉諱備字玄德涿郡人景帝子中山靜王勝之後也

上言漢帝

建安二十四年群下上先主為漢中王先主上言漢帝

臣以具臣之才荷卜將之任董督三軍奉辭于外不

得掃除寇難靖匡王室久使陛下聖教陵遲六合之

內分崩秦惟憂反側疾如疾首曩者董卓造為亂

蜀書

奏

階自是之後羣兇縱橫殘剝海內賴陛下聖德威靈  
人臣同應或忠義奮討或上天降罰暴逆並殪以漸  
冰消惟獨曹操久未梟除侵擅國權恣心極亂臣昔  
與車騎將軍董承圖謀討操機事不密承見陷害臣  
播越失據忠義不果遂得使操窮凶極逆主后戮殺  
皇子鵠害雖糾合同盟念在奮力懦弱不武歷年未  
效常恐殞沒孤負國恩寤寐永嘆夕惕若厲今臣群  
寮以爲在昔虞書敦敘九族庶明厲翼序九族而親  
親也五帝損益此道不廢周監二代並建諸姬實



賴晉鄭夾輔之祿。高祖龍興。尊王子弟。大啓九國。卒  
斬諸呂。以安太宗。今操惡直。醜正。寔繁有徒。包藏禍  
心。篡盜已顯。既宗室微弱。帝族無位。斟酌古式。依假  
權宜。上臣大司馬漢中王。臣伏自三省。受國厚恩。荷  
任一方。陳力未效。所獲已過。不宜復忝高位。以重罪  
謗。群寮見逼。迫臣以義。臣退惟寇賊不梟。國難未已。  
宗廟傾危。社稷將墜。成臣憂責。碎首之負。若應權通  
變。以寧靖聖朝。雖赴水火。所不得辭。敢慮常宜。以防  
後悔。輒順衆議。拜受印璽。以崇國威。仰惟爵號位高。

寵厚。脩思報效。憂深責重。驚怖累息。如臨于谷。盡力  
輸誠。獎厲六師。率齊羣義。應天順時。撲討凶逆。以寧  
社稷。以報萬分。謹拜章因驛上還所假左將軍宜城  
亭侯印綬。

字字血誠言之不作



諸葛亮

上先王爲漢中王表

建安二十四年先王遂有漢中群下上先王爲漢中

王表于

漢帝

昔唐堯至聖而四凶在朝周成仁賢而四國作難高  
后稱制而諸呂竊命孝昭幼沖而上官逆謀皆馮世  
寵藉履國權窮凶極亂社稷幾危非大舜周公朱虛  
傳陸則不能流放禽討安危定傾伏惟陛下誕姿聖  
德統理萬邦而遭厄運不造之艱董卓首難蕩覆京  
畿曹操階禍竊執天衡皇后太子鳩殺見害剝亂天

下殘毀民物，又令陛下蒙塵憂厄，幽處虛邑，人神無  
主，遏絕王命，厭昧皇極，欲盜神器。左將軍領司隸校  
尉，豫荆益三州牧，宜亭侯，備受朝爵，秩念在輸力，  
以徇國難，覩其機兆，赫然憤發，與車騎將軍董承同  
謀誅操，將安國家。克寧舊都，會承機事，不密，令操游  
蒐得遂，長惡殘泯海內。臣等每懼王室大有閹樂之  
禍，小有定安之變。

趙高使閹樂殺二世王  
莽廢孺子以爲定安公

夙夜惴惴，戰慄累息。昔在虞書，敦序九族，周監二代，



封建同姓。詩著其義。歷載長久。漢興之初。割裂疆土。尊王子弟。是以卒折諸呂之難。而成太宗之基。臣等以備肺腑枝葉。宗子藩翰。心存國家。念在弭亂。自操破于漢中。海內英雄。望風蟻附。而爵號不顯。九錫未加。非所以鎮衛社稷。光昭萬世也。奉辭在外。禮命斷絕。昔河西太守梁統等。值漢中興。限于山河。位同權均。不能相率。咸推竇融。以爲元帥。卒立效績。摧破隗囂。今社稷之難。急于隴蜀。操外吞天下。內殘群寮。朝廷有蕭牆之危。而禦侮未建。可爲寒心。臣等輒依舊

典封備漢中王拜大司馬董齊六軍糾合同盟掃滅  
凶逆以漢中巴蜀廣漢犍爲爲國所署著依漢初諸  
侯王故典夫權宜之制苟利社稷專之可也然後功  
成事立臣等退伏矯罪雖死無恨

氣壯而詞直爲曹筆難爲劉氏屬文易理勢然也



諸葛亮

字孔明瑯琊人躬耕隴畝每自比于管仲樂毅先王屯新野徐庶謂曰諸葛孔明者臥龍

也將軍豈願見之乎由是遂請亮凡三往乃見

出師疏

建興五年亮率諸軍北駐漢中臨發上疏

先帝創業未半。而中道崩殂。今天下三分。益州疲弊。此誠危急存亡之秋也。然侍衛之臣。不懈于內。忠志之士。忘身于外者。蓋追先帝之殊遇。欲報之于陛下也。誠宜開張聖聽。以光先帝遺德。恢弘志士之氣。不宜妄自菲薄。引喻失義。以塞忠諫之路也。宮中府中。俱為一體。陟罰臧否。不宜異同。若有作奸犯科及為

忠善者。宜付有司。論其刑賞。以昭陛下平明之理。不宜偏私。使內外異法也。侍中侍郎郭攸之費禕董允等此皆良實。志慮忠純。是以先帝簡拔。以遺陛下。愚以爲宮中之事。事無大小。悉以咨之。然後施行。必能裨補闕漏。有所廣益。將軍向寵。性行淑均。曉暢軍事。試用于昔日。先帝稱之曰能。是以衆議舉寵爲督。愚以爲營中之事。悉以咨之。必能使行陣和睦。優劣得所。親賢臣。遠小人。此先漢所以興隆也。親小人。遠賢臣。此後漢所以傾頽也。先帝在時。每與臣論此事。未



嘗不歎息痛恨于桓靈也。侍中尚書長史參軍此悉  
貞良死節之臣。願陛下親之信之。則漢室之隆可計。  
日而待也。臣本布衣。躬耕于南陽。苟全性命于亂世。  
不求聞達于諸侯。先帝不以臣卑鄙。猥自枉屈。三顧  
臣于草廬之中。諮臣以當世之事。由是感激。遂許先  
帝。以驅馳。後值傾覆。受任于敗軍之際。奉命于危難  
之間。爾來二十有一年矣。

先帝知臣謹慎。故臨崩寄臣以大事也。受命以來夙  
夜憂歎。恐託付不效。以傷先帝之明。故五月渡瀘。深



入不毛。今南方已定，兵甲已足，當獎率三軍，北定中原，庶竭駑鈍，攘除奸凶，興復漢室，還于舊都。此臣所以報先帝而忠陛下之職分也。至于斟酌損益，進盡忠言，則攸之禪允之任也。願陛下託臣以討賊興復之效，不效則治臣之罪，以告先帝之靈，責攸之禪允等之慢，以彰其咎。陛下亦宜自謀，以諮諏善道，察納雅言。深追先帝遺詔，臣不勝受恩感激。今當遠離，臨表涕零，不知所言。

誠者成物物之爲義其類甚廣苟在于誠無有不



化孟子言禽獸何難便不濟事後主昏駭冥頑不  
靈蠢然一物也終其身守丞相法不變無疑惑心  
亦無有以說疑之者何哉惟其誠也周公對之爲  
有漸色矣

東晉書

不壯亦以信焉之者固難辨其類此固公機之  
 聖德爲一舉此將其長平天賦出不變無與  
 公是聖德之類也



諸葛亮

後出師疏

建安六年十一月復出散關

臣以弱才叨竊非據親秉旄鉞以厲三軍不能訓章明法臨事而懼至有街亭違命之闕箕谷不戒之失咎皆在臣授任無方臣明不知人恤事多闕春秋責帥臣職是當請自貶三等以督厥咎于是以亮爲右將軍行丞相事所總統如前先帝慮漢賊不兩立王業不偏安故託臣以討賊也以先帝之明量臣之才故知臣伐賊才弱敵強也然不伐賊王業亦亡惟

坐待亡。孰與伐之。是故託臣而弗疑也。臣受命之日。寢不安席。食不甘味。思惟北征。宜先入南。故五月渡瀘。深入不毛。并日而食。臣非不自惜也。顧王業不可待偏全于蜀都。故冒危難以奉先帝之遺意也。而議者謂爲非計。今賊適疲于西。又務于東。兵法乘勞。此進趨之時也。謹陳其事如左。高帝明並日月。謀臣淵深。然涉險被創。危然後安。今陛下未及高帝。謀臣不

平而欲以長計取勝。坐定天下。此臣之未解一

王明各派州郡論安言計動引聖人群疑滿



股衆難塞胸。今歲不戰。明年不征。使孫策坐大。遂并  
江東。此臣之未解二也。曹操智計殊絕于人。其用兵  
也。髣髴孫吳。然困于南陽。險于烏巢。危于祁連。偏于  
黎陽。幾敗伯山。殆死潼關。然後僞定一時耳。况臣才  
弱。而欲以不危而定之。此臣之未解三也。曹操五攻  
昌霸不下。四越巢湖不成。任用李服而李服圖之。委  
夏侯而夏侯敗亡。先帝每稱操爲能。猶有此失。况臣  
驚下。何能必勝。此臣之未解四也。自臣到漢中。中間  
暮年耳。然喪趙雲。陽群馬。玉閭芝。丁立白壽。劉郃。鄧



銅等及曲長純將七十餘人突將無前賓叟青羌散騎武騎一千餘人此皆數十年之內所糾合四方之精銳非一州之所有若復數年則損三分之二也當何以圖敵此臣之未解五也今民窮兵疲而事不可息事不可息則任與行勞費正等而不及虛圖之欲以一州之地與賊持久此臣之未解六也夫難平者事也昔先帝敗軍于楚當此時曹操拊手謂天下以定然後先帝東連吳越西取巴蜀舉兵北征夏侯授首此操之失計而漢事將成也然後吳更違盟關羽



毀敗秭歸蹉跌曹丕稱帝凡事如是難可逆見臣鞠躬盡力死而後已至于成敗利鈍非臣之明所能逆覩也

有曹操大逆有諸葛聖忠一時並見造物奇巧極矣

矣

有曹然大故亦請尊聖忠一都並具數辭奇云

謝

限○書○大○張○而○外○日○至○千○劫○未○於○非○百○之○限○而○計○其○  
因○以○將○祖○親○和○曹○不○聯○亦○日○年○收○身○計○下○進○見○別○禮○



諸葛亮

廢李平表

軍出祁山平督運事糧不繼呼亮來還軍退平更陽驚說軍糧饒足何以便歸亮具出其前後手筆書疏本末辭窮情竭于是表廢爲民

自先帝崩後平所在治家尚爲小惠安身求名無憂國之事臣當北出欲得平兵以鎮漢中平窮難縱橫無有來意而求以五郡爲巴州刺史去年臣欲西征欲令平主督漢中平說司馬懿等開府辟召臣知平鄙情欲因行之際偏臣取利也是以表平子豐督主江州隆崇其遇以取一時之務平至之日都委諸事

群臣上下皆怪臣待平之厚也正以大事未定漢室  
傾危伐平之短莫若褒之然謂平情在于榮利而已  
不意平心顛倒乃爾若事稽留將致禍敗是臣不敏  
言多增咎而末

固相眎如此相負如彼雖欲不死亦不可得

蘇李平表

臣平出南山平昔

言表



譙周

字允南巴西人通諸經及圖緯誦讀典籍欣然獨笑以忘寢食

諫游觀聲樂疏

後主立太子以周爲家令時後主頗出游觀增廣聲樂周上疏

諫

昔王莽之敗豪傑並起跨州據郡欲弄神器于是賢才智士思望所歸未必以其勢之廣狹惟其德之薄厚也是故于時更始公孫述及諸有大衆者多已廣大然莫不快情恣欲怠于爲善游獵飲食不恤民物世祖初入河北馮異等勸之曰當行人所不能爲遂務理冤獄節儉飲食動遵法度故北州歌歎聲布四



遠于是鄧禹自南陽追之吳漢寇恂未識世祖遙聞德行遂以權計舉漁陽上谷突騎迎于廣阿其餘望風慕德者邳彤耿純劉植之徒至于輿病齋棺纒負而至者不可勝數故能以弱爲彊屠王郎吞銅馬折赤眉而成帝業也及在洛陽嘗欲小出車駕已御銚期諫曰天下未寧臣誠不願陛下細行數出卽時還車及征隗囂潁川盜起世祖還洛陽但遣寇恂往恂曰潁川以陛下遠征故姦猾起叛未知陛下還恐不時降陛下自臨潁川賊必卽降遂至潁川竟如恂言



故非二心。務欲小出。不敢至于急務。欲自安。不爲故帝者之欲善也。如此。故傳曰。百姓不徒附。誠以德先之也。今漢遭厄運。天下三分。雄哲之士。思望之時也。陛下天姿至孝。喪踰三年。言及隕涕。雖曾閔。不過也。敬賢任才。使之盡力。有踰成康。故國內和一。大小勦力。臣所不能陳。然臣不勝大願。願復廣人所不能者。夫輓大重者。其用力苦不衆。拔大艱者。其善術苦不廣。且承事宗廟者。非徒求福祐。所以率民尊上也。至于四時之祀。或有不臨。池苑之觀。或有仍出。臣之愚滯。

私不自安。夫憂責在身者。不暇盡樂。先帝之志。堂構未成。誠非盡樂之時。願省減樂官。後宮所增造。但奉修先帝所施。下爲子孫節儉之教。

此疏可謂忠規。然周文繁質。筆訖丞相出師。勸後主納降。何其卑瑣無志也。至死之年。自謂可與孔子劉楊齊軌。誕妄極矣。



吳王孫權

字仲謀兄策薨以事授權黃龍元年卽皇帝位

報陸遜

遜陳便宜勸以施德緩刑寬賦又云忠讜之言不能悉陳求容小臣數以利聞

報曰夫法令之設欲以遏惡防邪儆戒未然也焉得不有刑罰以威小人乎此爲先令後誅不欲使有犯者耳君以爲太重者孤亦何利其然但不得已而爲之耳今承來意當重諮謀務從其可且近臣有盡規之諫親戚有補察之箴所以匡君正主明忠信也書載予違汝弼汝無面從孤豈不樂忠言以自裨補邪而云不敢極陳何得爲忠讜哉若小臣之中有可納

用者寧得以人廢言而不採擇乎。假若諂媚取容。雖  
闇亦所明識也。至於發調者。徒以天下未定。事以衆  
濟。若徒守江東。修崇寬政。兵自足用。復用多爲顧坐。  
自守可陋耳。若不豫調。恐臨時未可使用也。又孤與  
君分義特異。榮戚實同。來表云。不敢隨衆容身苟免。  
此實甘心所望于君也。

遜所言真大臣體權所報亦英君畧



吳王

分天下盟詞

蜀遣陳震慶權在位權乃參分天下造爲盟曰

天降喪亂，皇綱失敘，逆臣秉彜，劫奪國柄，始於董卓，終於曹操，窮凶極惡，以覆四海。至今九州幅裂，普天無統，民神痛怨，靡所戾止。及操子丕，桀逆遺醜，薦作姦回，偷取天位，而敵么麼，尋丕凶蹟，阻兵盜土，未伏厥誅。昔共工亂象，而高辛行師，三苗干度，而虞舜征焉。今日滅敵禽其徒黨，非漢與吳將復誰在？夫討罪剪暴，必聲其罪，宜先分裂，奪其土地，使士民之心各



知所歸。是以春秋晉侯伐衛。先分其田以畀宋人。斯其義也。且古建大事。必先盟誓。故周禮有司盟之官。尚書有告誓之文。漢之與吳。雖信由中。然分土裂境。宜有盟約。諸葛丞相德威遠著。翼戴本國。典戎在外。信感陰陽。誠動天地。重複結盟。廣誠約誓。使東西士民咸共聞知。故立壇殺牲。昭告神明。再軟加書。副之天府。天高聽下。靈威棗謀。司慎司盟。羣臣羣祀。莫不臨之。自今日漢吳既盟之後。戮力一心。同討魏賊。救危恤患。分災共慶。好惡齊之。無或携貳。若有害漢。則



吳伐之。若有害吳。則漢伐之。各守分土。無相侵犯。傳  
之後葉。克終若始。凡百之約。皆如載書。信言不豔。實  
居於好。有渝此盟。創禍先亂。違貳不協。悞慢天命。明  
神上帝。是討是督。山川百神。是糾是殛。俾墜其師。無  
克祚國。于爾大神。其明鑒之。

早是如此。不害壯繆。許都一動。曹賊久無處所矣。

<p>Blank area with vertical lines.</p>	<p>Blank area with horizontal and vertical lines, including a large dark smudge in the top left corner.</p>
--	---



吳王

議奔喪科禁詔

黃龍六年正月

詔曰夫三年之喪天下之達制人情之極痛也賢者割哀以從禮不肖者勉而致之世治道泰上下無事君子不奪人情故三年不逮孝子之門至於有事則殺禮以從宜要經而處事故聖人制法有禮無時則不行遭喪不奔非古也蓋隨時之宜以義斷恩也前故設科長吏在官當須交代而故犯之雖隨糾坐猶已廢曠方事之殷國家多難凡在官司宜各盡節先

公後私而不恭承甚非謂也中外羣僚其更平議務  
令得中詳爲節度

詞甚清雅



吳正

答諸葛瑾

周瑜子胤以罪徙廬陵郡諸葛瑾步騭連名上疏

故將軍周瑜子胤昔蒙粉飾受封爲將不能養之以  
福思立功效至縱情欲招速罪辟臣竊以瑜昔見寵  
任入作心膂出爲爪牙銜命出征身當矢石盡節用  
命視死如歸故能推曹操于烏林走曹仁于郢都揚  
國威德華夏是震蠢爾蠻荆莫不賓服雖周之方叔  
漢之信布誠無以尚也夫折衝扞難之臣自古帝王  
莫不貴重故漢高帝封爵之誓曰使黃河如帶太山



如礪國以永存、爰及苗裔、申以丹書、重以盟詛、藏于宗廟、傳于無窮、欲使功臣之後、世世相踵、非徒子孫、乃關苗裔、報德明功、勤勤懇懇、如此之至、欲以勸戒、後人、用命之臣、死而無悔也、況于瑜、身沒未久而其子胤、降爲匹夫、益可悼傷、竊惟陛下、欽明稽古、隆于興繼、爲胤歸訴、乞旬餘罪、還兵復爵、使失旦之鷄、復得一鳴、抱罪之臣、展其後效、權答曰、腹心舊勲、與孤協事、公瑾有之、誠所不忘、昔胤年少、初無功勞、橫受精兵、爵以侯將、蓋念公瑾以及于胤也、而胤恃此、酗



淫自恣、前後告喻、曾無悛改、孤于公瑾、義猶二君、樂  
胤成就、豈有已哉、迫胤罪惡、未宜便還、且欲苦之、使  
自知耳、今二君勤勤、援引漢高河山之誓、孤用惡然、  
雖德非其疇、猶欲庶幾事、亦如爾、故未順旨、以公瑾  
之子而二君在中間、苟使能改、亦何患乎、  
權不獨才智、亞掾文、菴風雅亦其次也、

謝不辭下皆亞辭文殊風韻亦其大也

之千而二各在○中間○荷○勢○銷○迴○亦○回○患○乎

觀辭非其辭辭將熟幾事亦收爾姑未則吉以公整

自映耳今二皆謹謹辭臣數高所山之警亦因思然

臘風涼豈育日詩既胤罪罪未宜更數且於苦之刺

部自容情送告備會無刺迴亦于公整美辭二民樂



孫休

字子烈，權第六子。權薨，休弟亮承統。孫綝黜亮，爲會稽王，迎休卽位。

開田詔

永安元年

詔曰：朕以不德，託于王公之上。夙夜戰戰，忘寢與食。今欲偃武修文，以崇大化。推此之道，當由士民之贍。必須農桑。管子有言：倉廩實，知禮節；衣食足，知榮辱。夫一夫不耕，有受其饑；一婦不織，有受其寒。饑寒並至，而民不爲非者，未之有也。自頃年已來，州郡吏民及諸營兵，多違此業，皆浮船長江，賈作上下，良田漸廢，見穀日少。欲求大定，豈可得哉？亦由租入過重，農

人利薄。使之然乎。今欲廣開田業。輕其賦稅。差科彊  
羸。課其田畝。務令優均。官私得所。使家給戶贍。足相  
供養。則愛身重命。不犯科法。然後刑罰不用。風俗可  
整。以羣僚之忠賢。若盡心于時。雖太古盛化。未可卒  
致。漢文升平。庶幾可及。及之。則臣主俱榮。不及。則損  
削侵辱。何可從容俯仰而已。諸卿尚書。可共咨度。務  
取便佳。田桑已至。不可後時。事定施行。稱朕意焉。

居然盛世



周瑜

字公瑾廬江舒人孫堅興兵討東卓徙家于舒  
堅子策與瑜同年相友善瑜推道南大宅以舍  
策升堂拜母  
有無通共

論劉關張疏

權拜瑜南郡太守屯江陵劉備以  
左將軍領荊州牧治公安備詣京  
見權瑜  
上疏

劉備以梟雄之姿而有關羽張飛熊虎之將必非久  
屈爲人用者愚謂大計宜徙備置吳盛爲築宮室多  
其美女玩好以娛其耳目分此二人各置一方使如  
瑜者得挾與攻戰大事可定也今猥割土地以資業  
之聚此三人俱在疆場恐蛟龍得雲雨終非池中物

也。

識音計音文音不可以其有妨玄德便謂非算忽之也



華嚴

字永先吳郡人以文學入爲祕府郎  
遷中書丞後遷東觀令領右國史

奢侈疏

時倉廩無儲世  
俗滋侈嚴上疏

今寇虜充斥征伐未已居無積年之儲出無應敵之  
畜此乃有國者所宜深憂也夫財穀所生一出于民  
趨時務農國之上急而都下諸官所長別異各自下  
調不計民力輒與近期長吏畏罪晝夜催民委舍何  
事遑赴會日定送到都或蘊積不用而徒使百姓消  
力失時到秋收月督其限入奪其播殖之時而責其  
今年之稅如有逋懸則藉沒財物故家戶貧困衣食



不足。宜暫息衆役。專心農桑。古人稱一夫不耕。或受其饑。一女不織。或受其寒。是以先王治國。惟農是務。軍興以來。已向百載。農人廢南畝之務。女工停機杼之業。推此揆之。則蔬食而長饑。薄衣而履冰者。固不少矣。臣聞主之所求于民者二。民之所望于王者三。二謂求其爲已勞也。求其爲已死也。三謂饑者能食之。勞者能息之。有功者能賞之。民以致其二事。而主失其三望者。則怨心生。而功不建。今帑藏不實。民勞役猥。主之二求已備。民之三望未報。且饑者不待美。



饌而後飽，寒者不俟狐貉而後溫，爲味者口之奇，文  
繡者身之飾也。今事多而役繁，民貧而俗奢，百工作  
無用之器，婦人爲綺靡之飾，不勤麻枲，並繡文黼黻，  
轉相倣效，耻獨無有。兵民之家，猶復逐俗，內無擔石  
之儲，而出有綾綺之服。至于富賈商販之家，重以金  
銀，奢恣尤甚。天下未平，百姓不贍，宜一生民之原，豐  
穀帛之業，而棄功于浮華之巧，妨日于侈靡之事，上  
無尊卑等級之差，下有耗財物力之損。今吏士之家，  
少無子女，多者三四，少者一二，通令戶有一女，十萬

家則十萬人。人織績一歲一束。則十萬束矣。使四疆之內。同心戮力。數年之間。布帛必積。恣民五色。惟所伏用。但禁綺繡無益之飾。且美貌者。不待華采以崇好。豔恣者。不待文綺以致愛。五采之飾。足以麗矣。若極粉黛。窮盛服。未必無醜婦。廢華采。去文繡。未必無美人也。若實如論。有之無益。廢之無損者。何愛而不誓禁。以充府藏之急乎。此救乏之上務。富國之本業也。使管晏復生。無以易此。漢之文景。承平繼統。天下已定。四方無虞。猶以彫文之場。農事。錦繡之害。女工。



開富國之利、杜饑寒之本、況今六合分垂、豺狼充路、  
兵不離疆、甲不解帶、而可以不廣生財之原、充府藏  
之積哉、

皓殺戮忠良、少所全宥、覈于是時、貢薦良能、解釋  
罪過、極爲煩聒、竟免于難、亦其幸矣、

罪臣沐為敢請寬免于鐵衣其幸矣

謝益壽忠貞也酒全皆賜于晏神貢萬民猶稱焉

之辭哉

兵不難斷甲不難帶而何以不難坐相之累亦殊難  
開富國之味其難與之本此今六合太平林林總總



諸葛恪

字元遜，瑾長子也。少知名。丞相陸遜卒，恪遷大將軍，領荊州事，權不豫，徵恪領太子太傅令中書。

與丞相陸遜書

楊敬叔傳述清論，以爲方今人物彫盡，守德業者不能復幾，宜相左右，更爲輔車。上熙國事，下相珍惜，又疾世俗好相謗毀，使已成之器中有損累，將進之徒意不歡笑。聞此喟然，誠獨擊節，愚以爲君子不求備於一人，自孔氏門徒大數三千，其見異者七十二人，至于子張、子路、子貢等七十之徒，亞聖之德，然猶各

有所短、師辟由嘑、賜不受命、豈況下此而無所闕、且仲尼不以數子之不備、而引以爲友、不以人所短、棄其所長也、加以當今取士、宜寬于往古、何者、時務從橫、而善人單少、國家職司、常苦不克、苟令性不邪惡、志在陳力、便可獎就、騁其所任、若於小小宜適私行不足、皆宜濶畧、不足縷責、且士誠不可纖論苛克、苛克則彼賢聖猶將不全、況其出入者邪、故曰、以道望人、則難、以人望人、則易、賢愚可知、自漢末已來、中國士大夫如許子將輩、所以更相謗訕、或至于禍、原其



本起非爲大讐。惟坐克已不能盡如禮。而責人專以正義。夫已不如禮。則人不服。責人以正義。則人不堪。內不服其行。外不堪其責。則不得不相怨。相怨一生。則小人得容其間。得容其間。則三至之言。浸潤之譖。紛錯交至。雖使至明至親者處之。猶難以自定。況已爲隙。且未能明者乎。是故張陳至于血刃。蕭朱不終其好。本由於此而已。夫不舍小過。纖微相責。久乃至于家戶爲怨。一國無復全行之士也。

愛才之道始于自克。可謂篤論。

步雪於野然千日京東地偏

千雪可無融一似將終全云之士也

其地年由特此而之大本會小地為好地查

訓訓三未訓訓法學兵訓訓訓訓訓訓訓訓

訓訓訓訓訓訓訓訓訓訓訓訓訓訓訓訓訓

訓訓訓訓訓訓訓訓訓訓訓訓訓訓訓訓訓

訓訓訓訓訓訓訓訓訓訓訓訓訓訓訓訓訓

訓訓訓訓訓訓訓訓訓訓訓訓訓訓訓訓訓

訓訓訓訓訓訓訓訓訓訓訓訓訓訓訓訓訓



諸葛恪

諭衆論

恪以建興元年戰克明年春復欲出軍諸大臣以爲數出太罷勞同辭諫恪恪

乃著論

諭衆意

夫天無二日、土無二王、王者不務兼并天下而欲垂祚後世、古今未之有也。昔戰國之時、諸侯自恃、兵疆地廣、互有救援、謂此足以傳世、人莫能危、恣情從懷、憚於勞苦、使秦漸得自大、遂以并之。此旣然矣、近者劉景升在荊州、有衆十萬、財穀如山、不及曹操尚微、與之力競、坐觀其疆大、吞滅諸袁、北方都定之後、操



率三十萬衆來向荊州、當時雖有智者、不能復爲畫計、於是景升兒子、交臂請降、遂爲囚虜、凡敵國欲相吞、卽仇讐欲相除也、有讐而長之、禍不在已、則在後人、不可不爲遠慮也、昔伍子胥曰、越十年生聚、十年教訓、二十年之外、吳其爲沼乎、夫差自恃疆大、聞此邈然、是以誅子胥而無備越之心、至于臨敗悔之、豈有及乎、越小于吳、尚爲吳禍、況其疆大者邪、昔秦但得關西耳、尚以并吞六國、今賊皆得秦趙韓魏燕齊九州之地、地悉戎馬之鄉、士林之藪、今以魏比古之



秦土地數倍。以吳與蜀比。古六國不能半之。然今所以能敵之。但以操時兵衆。於今適盡。而後生者未悉長大。正是賊衰少未盛之時。加司馬懿先誅王凌。續自隕斃。其子幼弱。而專彼大任。雖有智計之士。未得施用。當今伐之。是其厄會。聖人急于趨時。誠謂今日若順衆人之情。懷偷安之計。以爲長江之險。可以傳世。不論魏之終始。而以今日遂輕其後。此吾所以長歎息者也。自本以來。務在產育。今者賊民。歲月繁滋。但以尚小。未可得用耳。若復十數年後。其衆必倍于



今而國家勁兵之地、皆已空盡、唯有此見衆可以定事、若不早用之、端坐使老、復大數年、畧當損半、而見子弟數不足言、若賊衆一倍、而我兵損半、雖復使伊管圖之、未可如何、今不達遠慮者、必以此言爲迂、夫禍難未至而豫憂慮、此固衆人之所迂也、及于難至、然後頓顙、雖有智者、又不能圖此、乃古今所病、非獨一時、昔吳始以伍員爲迂、故難至而不可救、劉景升不能虛十年之後、故無以詒其子孫、今恪無具臣之才、而受大吳蕭霍之任、智與衆同、思不經遠、若不及



今日爲國斥境、俛仰年老、而讐敵更彊、欲刎頸謝責、寧有補邪、今聞衆人或以百姓尚貧、欲務閑息、此不知慮其大危、而愛其小勤者也、昔漢祖幸已自有三秦之地、何不閉關守險、以自娛樂、空出攻楚、身被創、瘡介胄生蟣蝨、將士厭困苦、豈甘鋒刃而忘安寧哉、慮于長久、不得兩存者耳、每覽荆邯說公孫述、以進取之圖、近見家叔父表陳與賊爭競之計、未嘗不喟然歎息也、夙夜反側、所慮如此、故聊疏愚言、以達二三君子之末、若一朝隕歿、志畫不立、貴令來世知我

所憂可思于後

知慕其叔父不度其才之非儼兵敗于外禍發于  
中身死族赤如父所料然志則壯矣



韋曜

字弘嗣吳郡人少好學能屬文

博奕論

曜爲太子中庶子時蔡潁亦在東宮性好博奕太子和以爲無益命曜論之

蓋聞君子耻當年而功不立、疾沒世而名不稱、故曰  
學如不及、猶恐失之、是以古之志士、悼年齒之流邁、  
而懼名稱之不立也、故勉精厲操、晨興夜寐、不遑寧  
息、經之以歲月、累之以日力、若甯越之勤、董生之篤、  
漸漬德義之淵、棲遲道藝之域、且以西伯之聖、姬公  
之才、猶有日昃待旦之勞、故能隆興周道、垂名億載、  
况在臣庶而可以已乎、歷觀古今立功名之士、皆有

累積殊異之迹。勞身苦體。契濶勤思。平居不墮其業。窮困不易其素。是以卜式立志于耕牧。而黃霸受道于囹圄。終有榮顯之福。以成不朽之名。故山甫勤于夙夜。而吳漢不離公門。豈有游惰哉。今世之人。多不務經術。好翫博奕。廢事棄業。忘寢與食。窮日盡明。繼以指燭。當其臨局交爭。雌雄未決。專精銳意。心勞體倦。人事曠而不脩。賓旅闕而不接。雖有太牢之饌。韶夏之樂。不暇存也。至或賭及衣物。徒慕易行。廉耻之意弛。而忿戾之色發。然其所志。不出一枰之上。所務



不過方罫之間、勝敵無封爵之賞、獲地無兼土之實、  
技非六藝、用非經國、立身者不階其術、徵選者不由  
其道、求之于戰陣、則非孫吳之倫也、考之于道藝、則  
非孔氏之門也、以變詐爲務、則非忠信之事也、以劫  
殺爲名、則非仁者之意也、而空妨日廢業、終無補益、  
是何異設木而擊之、置石而投之哉、且君子之居室  
也、勤身以致養、其在朝也、竭命以納忠、臨事且猶盥  
食、而何博奕之足耽夫然、故孝友之行立、貞純之名  
彰也、方今大吳受命、海內未平、聖朝乾乾、務在得人、

勇畧之士、則受熊虎之任、儒雅之徒、則處龍鳳之署、  
百行兼苞、文武並驚、博選良才、旌簡髦俊、設程試之  
科、垂金爵之賞、誠千載之嘉會、百世之良遇也、當世  
之士、宜勉思至道、愛功惜力、以佐明時、使名書史籍、  
勲在盟府、乃君子之上務、當今之先急也、夫一木之  
朽、孰與方國之封、枯槁三百、孰與萬人之將、袞龍之  
服、金石之樂、足以兼棊局而賀博奕矣、假令世士移  
博奕之力、而用之于詩書、是有顏閔之志也、用之于  
智計、是有良平之思也、用之于資貨、是有猗頓之富



也用之于射御是有將帥之備也如此則功名立而  
鄙賤遠矣

稽顙致矣

世以之干懷濟民亦保制之新也故世明故多



晉書 詔令

顧在觀觀生

嘉興黃子錫復仲

雲間

許清胤介夫輯評

顧之萃宗之叅訂

句章陳 裕廣生

陳 祐天生

武帝

改坐復膳詔

泰始元年

詔曰每感念幽冥而不得終苴經于草土以存此痛  
况當食稻衣錦誠詭然激切其心非所以相解也本  
諸生家傳禮來久何止一旦便易此情于所天相從

詔

已多。可試省孔子答宰我之言。無事紛紜也。言及悲殺。奈何奈何。

禮雖終奪情。則未移武帝。可稱宜在此舉。



武帝

平糴詔

泰始二年

夫百姓年豐則用奢，凶荒則窮匱，是相報之理也。故古人權量國用，取贏散滯，有輕重平糴之法。理財鈞施惠而不費，政之善者也。然此事廢久，天下希習其宜，加以官蓄未廣，言者異同，財貨未能達通其制，更令國寶散于穰歲而上不收，貧弱困于荒年而國無備。豪人富商挾輕資，蘊重積，以管其利，故農夫苦其業而末作不可禁也。今者省徭務本，并力墾殖，欲令

農功益登耕省益勸而猶或騰踴至于農人並傷今  
宜通糴以充儉法主者平議具爲條制

平糴利農仁心善政欲之不行武帝治事徃徃然  
已



武帝

諱炎字安世文帝長子寬惠仁厚深沉有度是時晉德既洽四海宅心太保鄭冲奉策授位帝以禮讓魏朝公卿固請乃從之

立太子詔

泰始三年春正月立子衷爲皇太子

詔曰朕以不德託于四海之上兢兢祇畏懼無以康濟寓內思與天子式明王度正本清源于置胤樹嫡非所先務又近世每建太子寬宥施惠之事間不獲已順從王公卿士之議耳方今世運垂平將陳之以德義示之以好惡使百姓蠲多幸之慮篤終始之行曲惠小仁故無取焉咸使知聞

赦非令典然冢嗣攸建普天同慶大惠不施非祥  
可見



武帝

二千石詔

泰始四年  
夏六月

詔曰。郡國守相。三載一巡行屬縣。必以春。此古者所以述職宣風展義也。見長吏。觀風俗。協禮律。考度量。存問耆老。親見百年。錄囚徒。理冤枉。詳察政刑得失。知百姓所患苦。無有遠近。便若朕親臨之。敦喻五教。勸務農功。勉勵學者。思勤正典。無爲百家庸末。致遠必泥。士庶有好學篤道。孝弟忠信。清白異行者。舉而進之。有不孝敬于父母。不長悌于族黨。悖禮棄常。不

率法令者、糾而罪之、田疇闢、生業修、禮教設、禁令行、  
則長吏之能也、人窮匱、農事荒、姦盜起、刑獄煩、下陵  
上替、禮義不興、斯長吏之否也、若長吏在官、公廉、慮  
不及私、正色直節、不飾名譽者、及身行貪穢、諂黷求  
容、公節不立、而私門日富者、竝謹察之、揚清激濁、舉  
善彈違、此朕所以垂拱揔綱、責成于良二千石也、子  
戲戒哉



武帝

籍田詔

泰始四年

詔曰夫國之大事在祀與農是以古之聖王躬耕帝籍以供郊廟之姿盛且以訓化天下近世以來耕籍止于數步之中空有慕古之名曾無供祀訓農之實而有百官車徒之費今修千畝之制當與群公卿士躬稼穡之艱難以率先天下

Blank manuscript page with vertical columns.



武帝

宗室詔

咸寧三年  
春正月

詔曰宗室戚屬國之枝葉欲今奉率德義爲天下式  
然處富貴而能慎行者寡召穆公糾合兄弟而賦棠  
棣之詩此姬氏所以本枝百世也今以衛將軍扶風  
王亮爲宗師所當施行皆諮之于宗師也

亮之風範誠可議表衆邪繁興曷繇取勝

...

...

...

...

...

...

...



武帝

○下傳玄詔

傅玄皇甫陶  
共掌諫職

二常侍懇懇于所論。可謂乃心欲佐益時事者也。而  
王者率以常制裁之。豈得不使發憤耶。二常侍所論  
或舉其大較而未備其條目。亦即便令作之。然後主  
者八坐廣其研精。凡關言于人主。人臣之所至難。而  
人主若不能虛心聽納。自古忠臣直士之所慷慨。至  
使杜口結舌。每念于此。未嘗不歎息也。故前詔敢有  
直言。勿有所距。庶幾得以發懷補過。獲保高位。苟言

有偏善。情在忠益。雖文辭有謬誤。言語有失得。皆當  
曠然恕之。古人猶不拒誹謗。况皆善意。在可採錄乎。  
近者孔黽。蔡母。鮪。皆按以輕慢之罪。所以皆原。欲使  
四海知區區之朝。無諱言之忌也。

人方未言。委曲導之。及其既言。各嗟善之。然而用  
之行。者萬無一也。雖善何益。



元帝

諱虐字景文宣帝曾孫琅琊恭王覲子嗣位爲  
琅瑯王太興元年愍帝崩問至建康百寮上尊

號卽

位

二千石察長吏詔

太興元年  
秋七月

詔曰王室多故姦凶肆暴皇綱弛墜顛覆大猷朕以  
不德統承洪緒夙夜憂危思改其弊二千石令長當  
祇奉舊憲正身明法抑齊豪強存恤孤獨隱實戶口  
勸課農桑州牧刺史當互相檢察不得顧私虧公長  
吏有志在奉公而不見進用者有貪恡穢濁而以財  
勢自安者若有不舉當受故縱弊善之罪有而不知

當受閭塞之責各明慎奉行

渡江之初群賢會聚然號令文章無大可紀者

不勝恭承嘉謨夙夜憂思刻其刻二千石令其當  
臨曰王望矣茲茲凶事暴皇臨顏劉賈大猶期以  
二千石察長吏臨

大典云

武帝

武帝王太典云平帝帝熹平至熹平



元帝

譙王承監湘州諸軍事詔

太興年  
劉隗以王執威權太

盛勸帝出諸心  
腹以鎮方隅

夫王者體天理物非群才不足濟其務外建賢哲以  
樹風聲內睦親親以廣藩屏是以太公封齊伯禽居  
魯此先王之令典古今之通義也我晉開基列國相  
望乃授琅邪武王鎮統東夏汝南文成總一淮許扶  
風梁王迭據關右爰暨東嬴作司并州今公族雖寡  
不逮曩時豈得替舊章乎散騎常侍左將軍譙王承

貞素款亮志存忠恪便蕃左右恭肅彌著今以承監  
湘州諸軍事南中郎將湘州刺史

承雖篤厚然非其才用者不度枉死可惜



元帝

議溫嶠不拜詔

建武元年秋九月 以溫嶠爲散騎侍郎嶠以母亡值寇不臨殯 葬欲營改墓固讓不拜元帝詔議

詔曰溫嶠不拜以未得改卜葬送朝議又頗有異同爲審由此邪天下有闕塞行禮制物者當使理可經通古人之制三年非情之所盡蓋存亡有斷不以死傷生耳要經而服金革之役者豈營官邪隨王事之緩急也今桀逆未梟平陽道斷奉迎諸軍猶未得徑進嶠特一身于何濟其私艱而以理閔自疑不服王

命邪其令三司八座門下三省外內群臣詳其通議  
如嶠比吾將親裁其中

二帝受戮梓宮無所元之此詔愧嶠多乎



明帝

諱紹字道畿元帝長子幼而聰哲永昌元年閏月元帝崩卽位

遺詔

太寧三年閏八月

自古有死賢聖所同壽夭窮達歸于一槩亦何足恃痛哉朕枕疾已久常慮忽然仰惟祖宗洪基不能克終堂構大耻未雪百姓塗炭所以有慨耳不幸之日歛以時服一遵先度務從簡約勞衆崇飾皆勿爲也衍以幼弱猥當大重當賴忠賢訓而成之昔周公匡輔成王霍氏擁育孝昭義存前典功氣二代豈非宗臣之道乎凡此公卿時之望也敬聽顧命任托付之

重同心斷金以謀王室諸方嶽征鎮刺史將守皆朕  
扞城推轂于外雖事有內外其致一也故不有行者  
誰扞收圉譬若唇齒表裏相資宜戮力一心若合符  
契思美焉之美以緝事爲期百辟卿士其總已以聽  
于冢宰保祐沖幼弘濟艱難永令祖宗之靈寧于九  
天之上則朕沒于地下無恨黃泉



成帝

諱衍字世根明帝長子太寧三年閏月明帝崩卽位

新宮詔

咸和八年春正月

詔曰昔大賊縱暴宮室焚蕩元惡雖翦未暇營築有司屢陳朝會逼狹遂作斯宮子來之勞不日而成旣獲臨御大饗羣后九賓克庭百官象物知君子勤禮小人盡力矣思蠲密網咸同斯會其赦五歲刑以下

日者夫以縣官定火罰示烈顯前夫則警罰者



康帝

諱岳成帝母弟咸康八年六月成帝不豫詔以爲嗣成帝崩卽位

降禮詔

建元元年六月有司奏成帝崩一周請改素服御進膳如舊

詔曰禮之降殺因時而寢興誠無常矣至于君親相準名教之重莫之改也。權制之作蓋出近代。雖曰適事。實獎薄之始。先王崇之。後世猶怠。而况因循。又從輕降。義弗可矣。

魏世詔令卽爲清新猶未見此渺然絕塵者也

卷之六



褚皇后

諱蒜子河南人父哀后聰明有器識少以名家入爲娘邪王妃康帝卽位立爲皇后穆帝卽位尊爲皇太后

臨朝詔

時帝幼冲未親國政領司徒蔡謨等上奏請臨朝

詔曰帝幼冲當賴羣公卿士將順匡救以酬先帝禮賢之意。且是舊德世濟之美。則莫重之命。不墜祖宗之基。有奉是其所以欲正位于內而已。所奏懇到。形于翰墨。執省未究。以悲以懼。先後允恭。謙抑思順。坤道所以不距羣情。固爲國計。豈敢執守冲闇。以違先旨。輒敬從所奏。

晉室諸后康獻最德亦最才辭令溫雅何必多讓  
學人



褚皇后

復臨朝詔

簡文帝崩孝武幼沖群臣啓請于是太后復朝

詔曰王室不幸仍有艱屯覽省啓事感增悲嘆內諸君並不以主上春秋沖富加蒸蒸之慕未能親覽號今宜有所由苟可安社稷利天下亦豈有所執敬從所啓但聞昧之關望盡弼諧之道

非曰利之卽一再從宜訊亦不及

以論之則一再發宜謂在平氏

之八則則謂其之職謂其謂之也

今宜其由舊臣立而謂其大下其

而謂其不以王上之祿而謂其

而曰王室不事之亦其由舊臣立而謂其

而謂其不以王上之祿而謂其

而謂其



簡文帝

諱昱字道萬元帝少子封爲琅邪王廢帝廢桓溫迎帝卽位

○

百官詔

咸安二年

朕居阿衡三世不能濟彼時雍乃至海西失德殆傾  
皇祚賴祖宗靈祇之德皇太后淑體應期藩輔忠賢  
百官戮力用能蕩氛霧于昊蒼耀晨輝于宇宙遂以  
耿身託于王公之上思賴羣賢以弼其闕夫敦本息  
末抑絕華競使清濁異流能否殊貫官無糝政士無  
謗讟不有懲勸則德禮焉施且彊寇未殄勞役未息  
自非軍國戎祀之要其華飾煩費之用皆省之夫肥

遁窮谷之賢。滑泥揚波之士。雖抗志玄霄。潛默幽岫。  
貪屈高尚之道。以隆協贊之美。孰與自足山水。棲遲  
丘壑。徇匹夫之潔。而忘兼濟之大邪。古人不借賢于  
曩代。朕所以虛想于今日。內外百官。各勤所司。使善  
無不達。惡無不聞。今詩人無素餐之刺。而吾獲虛心  
之求焉。



安帝

諱德宗字德宗孝武帝長子太元二十一年九月孝武帝崩卽位

吳隱之進號詔

元興年隱之爲廣州刺史未至二十里有水曰貪泉隱之酌

水賦詩清操愈厲

夫孝行篤于閨門。清節厲乎風霜。實立人之所難。而君子之美致也。龍驤將軍廣州刺史吳隱之。孝友過人。祿均九族。菲已絜素。儉愈魚飧。夫處可欲之地。而能不改其操。饗惟錯之富。而家人不易其服。革奢務嗇。南域改觀。朕有嘉焉。可進號前將軍。賜錢五十萬。穀千斛。



古隆吏治卽在衰末苟有異政必下褒異之詔無  
常之賜于今絕矣

水翅精膏

至二十里官水口

元典平國文

十一平大民



